

道鄉詩鈔

鄒浩字志完常州晉陵人第進士為太常博士哲宗擢
為右正言時廢孟后立賢妃劉氏浩切諫削管羈管新
州徽宗立召還復官問諫草安在曰焚之矣退告陳瓘
曰禍在此乎異日奸人妄出一緘則不可復辨也蔡京
用事果為偽疏陷之遂謫衡州尋竄昭州五年得歸復
直龍圖閣病卒高宗贈寶文閣直學士賜謚忠嶺表歸
後自闢小圃號曰道鄉故學者稱道鄉先生

秋蠅

秋風快如刀着木木欲折蕃鮮轉婁婁入眼無一悅青蠅
獨何為飛鳴猶未滅造化本無私爾生亦偶竊念方三伏
中日車午停轍下照人世間何異紅爐熱勁鳥倦戢翼簪

道鄉詩鈔

獸喘吐舌惟人於此時體解劇疲茶虛堂幸可逃枕簟隨
意設好睡邊韶同素懶嵇康埒更此值清涼酣寢謂須決
雙睫纔欲交汗膚遭爾蓄營營不絕聲宛類讒口哂使我
寢不安欲息還復孳况如一簞貧未能萬錢歡園蔬薦脫
粟杯盤殊滅裂雙筋纔欲拈咀嚼遭爾餐適從何處來食
飲汗脩潔使我味不甘欲曠還復噎毆除付疲兵祇足增
跛蹙宜哉孫權彈為爾情激切期望秋風回一掃無餘孽
偶此延朝昏勿謂風不烈氣候侵凝凜龍蛇且藏穴爾形
大豆然豈能堅如鐵

再酬仲孺

龍團方啓封數子已驚視端如宵壁人騎羊入城肆又如
金谷姿不合樓前墜囊衣本酸寒茶具無一是紛紛詰鄰

家浪欲學擁鼻秋空輒雲雷秘惜乃天意未敢還巾車且
集諸生試豈非今年芽歲月與君異直須如印列詩驛
來使念君才患多落筆有餘思盈編故可期河流幾時
此君應嘲馬肝不食亦知味

次韻韓君表雪中感懷

龍衣不解顏憂民向來急天高委真符年豐兆原隰連山
水氣昏過雲鴈聲澁先春凌馬奔投隙作塵入瀕竹乍蕭
蕭驚風還汲汲頗輕花鬪狂宥其雨爭濕夜半回曉光木
杪森鵲立開編適吾心鼓枻輟清集一飽儻可償萬事非
所及想見秋稼前腰鎌倚青笠

仲益約遊延慶不至作此戲之

出門無他岐一徑指山麓餘寒弄晴陰浙漚散輕玉我僕
亦賞心我馬亦飛肉回首幕中英文書正拘束

道鄉詩鈔

二

戲督潛亭作春羹

先生家中餘玉粒粉以爲餅陪春羹春羹品物謝時味江
流暖泛園中英晴窗對案忽舉首徑走長鬚呼友生襄陽
大夫腹如鼎一著九牛猶未盈惓然放筯卽過我自嘆珍
庖逾大烹且言初意亦在我屬我府事畱西城先生飯不
飯俗客若苦轉眄相倒傾東風雕刻物物好槎頭縮頸尾
不頰藥苗蔬甲破土出似與米齊爭功名應憐十載瘦藜
莧爲我一除饑腸鳴

潛亭旣見和再作此贈之

不作苟見如君平不以禮屈如樊英屢屢堅卧三十載凜
凜風聲人自傾墻東墻西過高馬往往愧汗面發頰豈知

嗜欲極豺虎白晝擇肉無厭盈有時一飯稔奇禍他年五
鼎還遭烹狡兔未滅黃犬在突兀上蔡空前城先生謝去
既飽德鼓腹之趣終難名更要我輩集匙筯風雨不變如
雞鳴自憐頭額乏奇表幾與齏鹽同此生不愁捩手遂傾
覆只愁未至開憂羨

嘲仲益春時植蘭甚勤北新東軒遂悉劬去或者訊笑則曰子將易竹於此作此戲之

低簷蔭茅竹陋如野人居夫子莞爾笑曰此真吾廬庭前
鬱喬木庭後猶榛蕪芟削隨手淨春蘭殖扶疎光影動窗
几馨香襲文書皎然初佩心邂逅同三閭爾來基構新百
事凌往初突兀煥華屋茅竹掃莫餘雙楠庭之珍斬伐殊
榮枯要知碧油幢特立當階除念念入勲業不與蓬華俱
蘭雖不生門安能追誅鋤剖琴如剖薪烹鶴如烹魚珠玉
抵飛鳥筠鍾委洪爐逝矣覆轍存來車猶此涂尚欲取脩
竹永以娛朝晡問竹竹無言冷風一虛徐

道鄉詩鈔

別零陵

零陵距中邦道阻五千里我以放逐來本非心樂只身止
高山巔忽忽彌半襪人情久自親况復多可喜坐使故鄉
念如火沃之水罪大不得畱今茲動行李照州雖嶺南流
寓蓋均耳儻未還庭闈在彼猶在此胡然當作離耿耿殊
不已物我要兼忘咄哉從此始

詠路

赤路如龍蛇不知幾千丈山沒山水間一下復一上伊予
獨何爲與之同俯仰

聞彥和過桂州

人臣難有已况復顧其家忘家以徇國致主爲勛華割愛
非不仁成功詎能加御史殿中傑指摘一作旦生疵瑕昔如
鵠矯雲今如兔罹置省符到房陵驅逐殊喧譁卽日出門
去形影白天涯羈鳳攜衆雜驚散隨風沙渺漭失處所何
由書報嘉君心固已定聞者空傷嗟

大雨中接憲使因成小詩呈陽先生

霜風折木雨如傾斂板泥中廝役并遙想先生鼓琴罷觀
書正傍短燈檠

二月十五日朝拜建隆橋上偶作

單衣迎犯曉風清斗柄回南月尚明柳密行人看不見輪
蹄相屬但聞聲

湖上雜詠

道鄉詩鈔

四

荷葉如錢三月時幅中藜杖一追隨爾來勝事知多少惟
有風標公子知杜牧之以白鷺爲風標公子

何處清風作晚涼解衣相與面滄浪青萍紫荇令人恨遮
却琉璃萬頃光

華亭標格本青雲邂逅西湖秋復春作意一聲君會否鷓
鸞巢處是真人

疾病經旬厭藥杯喜君折簡傍湖來濃雲幾敗乃翁事賴
有南風爲約開

攘東驛壁間有詩因次其韻

箠轡驅馳長眼花更堪風雨作泥沙郵亭准擬一醉倒白
酒黃雞無處賒

早行

朝來由氣銳前程入馬蹄天形隨月見斗柄傷人低路轉
纔繁白沙平豈辨泥露零欺鬣髮犬吠隔蒿藜恍惚南柯
夢參差逢氏迷比經十里堠始報一聲鷄似脫關中日如
趨圯下蹊脩真空有術習懶信無梯行李幾時北武當猶
在西誰知貴公子角枕正清閨

順陽東山下小池

用西伏牛亭謝公定韻

行盡江山知幾重山前池沼尚殘紅塵埃滿眼欣相見駐
馬垂楊夾岸風

將到均州

武當孤壘插天西一見都忘渴與饑倦客惟貪早休歇不
知匏繫未成歸

入試院呈同事章顯父推官及監試柴承之朝奉

道鄉詩鈔

五

漢江洶洶不知休江上譙門鼓角秋匹馬崎嶇隨國事同
心邈迥得儒流何妨蟋蟀牀頭急况是芭蕉雨脚收別乘
端容共蕭散從今相與傲浮丘

鄰家集射

牆東金鼓不停聲知是將軍奕世孫莫浪鳴弓向飛鴈一
年一度到中原

雨中

五月沉陰久不開冷風吹雨滿天街老農且莫愁蠶麥承
相祈晴已宿齋

謝潛亨惠芸香紫桃

暑窗已覺書生蠹饑腹還驚雨後雷珍重先生解人意芸
香桃實一時來

聞存之遊京師且邸報達官有薦之者

昨來不肖聽朝雞乞得真宮卽日歸老衲蒲團閉共倚少
師玉塵醉同揮誰知捷徑高山在未覺心馳魏闕非綠鴨
陂中釣竿手只應從此叩黃扉

存之曾有詩云從來釣竿手不解叩黃扉

仁老寄墨梅

前年謫向新州去嶺上寒梅正作花今日霜縑玩標格宛
然風外數枝斜

懷何伯震

我別家時君在牀後來南北兩相忘直饒伏枕到新歲也
勝投身居瘴鄉孤節未嘗交世俗清貧何以度星霜皇天
默相誰窺得看取他年吾道光

懷張晉卿

道鄉詩鈔

六

年少東鄉新親家奮然鱗鬣脫泥沙傳聞昨者數時癡想
見邇來雙鬢華局上光陰聊鬪馬盃中意氣莫生蛇江鱸
已過河鮑出淮擬從君烹荻芽

又得敷文書

一封黃勅下天關嶺表湖南釋舊跬吏部回頭真可笑拾
遺伴伴竟同還張公洞裏花流水揚子江邊雪滿山更約
家居多暇日相從莫遣鬢毛斑

送王裘仲侍親赴闕

置榻初相得膏車忽起行秋風無限事春酒不勝情原憲
何曾病丘明竟有聲從容湖上語它日看功成

淮海集鈔

秦觀字少游一字太虛揚州高郵人豪雋慷慨溢於文
詞舉進士不中盛氣好奇讀兵家書見蘇軾於徐爲黃
櫻賦軾以爲有屈宋才介其詩於王安石亦謂清新如
鮑謝軾勉以應舉爲親養始登第筮仕元祐初軾以賢
良方正薦於朝除秘書正字兼國史院編脩官日有研
墨噐幣之賜紹聖初坐黨籍出判杭州以增損實錄貶
監處州酒稅使者承風旨伺過失無所得則以謁告寫
佛書爲罪削秩編管橫州徙雷州徽宗放還至藤州出
遊華光亭爲客道夢中長短句索水飲笑視水而卒朱
子謂渠詩合下得句便巧呂居仁云少游過嶺後詩嚴
重高古自成一家故當時於蘇門並稱秦晁晁以氣勝
則灑衍而新峭秦以韻勝則追琢而淳泓要其體格在
伯仲而晁爲雄大矣

泊吳興觀音院

金剝負城闌閭然美栖止卞山直穹窿蒼水相依倚霜檣
鬱冥冥海棕鮮巖巖廣除庇夏陰飛棟明朝晷溪光鳧鷖
邊天色孤蒲裏緒風傳晝焚壁月窺夜禮洩雲葦層空規
荷鑑幽止餘艫煙際下鍾磬林端起聳牙戲清淡蠹蝥撲
空紫所遇信悠然此生如寄耳志士耻溝瀆征夫念桑梓
攬衣軒楹間歎歌何窮已

田居四首

鷄號四鄰起結束赴中原戒婦預爲黍呼兒隨掩門犁鋤
帶晨景道路更笑喧宿潦濯芒屨野芳簪髻根霽色披官

靄春空正鮮繁辛夷茂橫阜錦雉嬌空園少壯已雲趨伶
俦尚鴟蹲蟹黃經雨潤野馬從風奔村落次第集隔牆致
寒暄眷言月占好弩力競晨昏

入夏桑柘稠陰陰翳虛落新麥已登場餘蠶猶占箔隆曦
破曾陰霽靄收遠壑雌蜺卧淪漪鮮颺泛藁薄林深鳥更
鳴水漫魚知樂羸老厭煩歎解衣屢盤礴蔭樹濯涼颺起
行遺帶索家婦餉初還丁男耘有託倒筒備青錢鹽茗恐
垂素明日輸絹租鄰兒入城郭

昔我蒔青秧廉纖屬梅雨及茲欲成穗已復頽星暑遲暮
易昏晨搖落多砧杵村迥少過從客來旋炊黍興發卽杖
藜未嘗先處所褰裳涉淺瀨矯首沒孤羽藁祠土鼓悲野
埭鷓雞舞雉子隨販夫老翁拜巫女辛勤一作艱難稼穡事惻

淮海集鈔

二

捨田疇語得穀不敢儲催科吏傍午

嚴冬百草枯鄰曲富休暇土井時一汲柴車久停駕寥寥
場圃空跼跼鳥鴛下孤榜傍橫塘喧春起旁舍田家重農
隙翁嫗相邀迂班坐醜酒醪一行三四謝陶盤奉旨蓄竹
筍羞雞炙飲耐更獻酬語闕或悲吃悠悠燈火暗刺刺風
颺射客散靜柴門星蟾耿寒夜富疑作當

奇題傅欽之草堂

河陽有沃流經營太行根盛德不終晦發爲清濟源斯堂
濟源上太行正當門仰視浮雲作俯窺流水奔脩竹帶藩
籬百禽鳴朝暎相望有盤谷李愿故居存主人國之老實
惟商巖孫班行昔供奉亟進逆耳言天子色爲動羣公聲
亦吞蕭條冰霜際不改白玉温出處士所重其微難具論

公勿思亭堂朝廷待公尊

次韻邢敦夫秋懷十首

以微雲淡河漢疎雨滴梧桐爲韻

驅車陟高丘却望大梁圻馳道入雙闕勾陳連太微夷門壯下屬清洛相因依美哉吾黨士臯高良可希

暮有二客至俱以能禪聞一枝惠林出一派智海分言各不相可往來劇絲琴謝客姑舍是妨余醉看雲

昔者曾中書門戶實難職筆勢如長淮初源可觴濫經營終入海欲語焉能暫斯人今則亡悲歌風慘澹

渤海有巨鼇其顛冠峩我宿昔常小抃八絃相盪摩忽遭龍伯人一舉空潮波取皮煎作膠清此崑崙河

蝮蛇初螫手壯士斷其腕豈不悲毀傷所卹在軀榦西羌沙鹵地置戍或煩漢雞肋不足云阿瞞妙思算

淮海集鈔

三

湯湯辟靡流中有學子居但說若稽古言猶三萬餘來者轉相祖詞林日凋疎稍喜績溪令入校天祿書

匠氏構明堂百材入斤斧儻非豫章棟冗長亦焉取英英范與蘇器識兼文武胡爲先一州不用作霖雨

憬彼高句麗來脩裔夷職天都富如海勞汝送涓滴軸轡尾相銜遠近困供億止沸當絕薪揚湯百無益

祖宗舉賢良充富多名儒執事惡言者此科爲之無雖有仲舒錯或橫江潭魚果欲鳴鳳至還當種椅梧

那侯秋臥病揮毫見漢衷賡者二三子翕然笙磬同不爲兒女姿頗形四方風屬有山水念因之絲與桐

春日雜興十首

飄忽星氣徂青陽迫遲暮鳴飛各有適赤白紛無數雨砌

墮危芳風軒納飛絮褰帷香霧橫岸噴雲峰度林影舞窈
扉池光染衣履參差花鳥期蹭蹬琴琴觴趣撫事動幽尋感
時遺近慕秣馬膏余車行行不周路

結髮謝外好佻俛希前修繆挾江海志耻爲升斗謀齟齬
難刻畫賤貧多釁尤發軔肯伊闕解驂憩邗溝丹鉛費永
晷麴蘖毆深愁壁月鑿簾籠珠星絡梧楸泯泯渠水駛霏
霏花霧浮公子悵何許撫膺徒離憂

潭潭故邑井猗猗上宮蘭不食自清潔莫服更幽閒志士
耻弱植卷跡甘飢寒佳晨追長靚觸物懸悲端川途眇回
遠經歲曠音翰豈不慕裘馬詭得非所安蟬冕多怵迫繩
樞渺憂患枉尋竟何補方柄誠獨難

淮海集鈔

四

相徑復溪林杳攢叢猿吟虎豹啼雲氣迷西東中有避世
士超然閱孤蹤彼蘭服明月起坐松聲中夜鍛吸沆瀣朝
翠鹿青葱騎星友元氣稟許安可同俛眊區中人飛埃集
毛鋒問津或不繆從子遊鴻蒙

東方有美人容華茂春粲抱影守軍棲含睇理哀彈聲意
一何切所歡邀雲漢徒然事膏沐孰與徂昏旦微誠浪自
持嘉月忽復晏巧轉度虛樞飛紅觸幽幔歲歲芳草滋夜
夜明星爛合并會有時索居不必歎

寢瘵倦文史駕言從遨嬉颺風舉遙淑規日麗清漪含桃
粲朱實杜若懷碧滋娉娉弱絮墮圍文舫馳明霞廓遠
矚哀禽攬離思繹草天際合孤雲川上移寬閒絕輪鞅重
復多路岐信美難久佇歸歎從所治

昔我遊京室交通五陵間主客各英妙袍馬相追攀千金
具飲啜百金顧吹彈纓弁羅廣席當頭舞交竿鮮粧耀淥
酒采纈生風灩燈燭暗夜艾士女紛相班歡娛易徂歇轉
盼如飛翰疊疊負孤願離離銜永歡山鳥窺茗飲簷花笑
蔬殮棄捐勿重陳事定須蓋棺

客從遠方來遺我昭華管吹之動人心異境生虛窾礧礧
青嶂橫泱泱春溜漸馬蹄交狹邪車轂錯平坦士女競芳
辰禽魚蔭修竿依微認睇笑淩沒見纖短停吹歛泯滅耽
耽復空館靈物信所珍顧恨知音罕

桃李用事辰鮮明奪雲綺繁華一朝去默默杞梓時但
鷹化鳩地遷橋爲枳獨有羨門生後天猶不死猶一作常
藝籍燔祖龍斯文就淪喪帝矜黔首愚諸雋一作出相望

淮海集鈔

五

楊馬操宏綱韓柳激頽浪建安妙謳吟風槩亦超放玉繩
帶華月艷艷青冥上奕世希末光經緯得無萎見曹獨何
事詆斥幾覆醬原心良自誣狠欲私所尚螳螂拒飛轍精
衛眞溟漲咄咄徒爾爲車海固無恙鷓鸞日彫滅黃口紛
冗長投袂睇層霄茲懷誰與亮

同子瞻端午日遊諸寺賦得深字

太史抱孤韻暢懷在登臨別乘慙鄒枚佳辰事幽尋參差
木石瘦宵窈房櫳深清磬發疎箔妙香橫素襟復登翠堵
坡環回囑嶽峯雙溪貫城郭暝色帶孤禽涼颺動爽籟薄
雨生微陰塵想澹清漣牢愁洗芳斟揮筆訂往古援毫示
來今悔無刻燭敏續此金玉音

寄陳季常

一鉤五十轄始具任公釣揭竿趣灌瀆與爾不同調先生
本西蜀俠氣見英妙哀隣世間兒細黠似黃鶴侍童雙擢
玉鬢髮光可照駿馬錦障泥相隨窮海嶠平生攜手好十
七登廊廟小生相吏耶徒枉尺書召暮年更折節學佛得
心要鬻馬放阿樊幅巾對沉燎冷冷屋外泉兀兀原頭燒
欲知山中樂萬古同一笑

送少章弟赴仁和土簿

我宗本江南爲將門列戟中葉徙淮海不仕但潛德先祖
實起家先君始逢掖議郎爲名士余亦秦詞客風流以及
汝三通桂堂籍汝弱不好弄文章有新格久從先生遊術
業良未測武林一都會山水富南國下有賢別駕上有明
方伯于將入砥礪驥裘就嘶勒勿矜孔鸞姿不樂棲枳棘

淮海集鈔

六

吳中多高士往往寄老釋辭才雖物化參寥猶夙昔投閒
數訪之可得三友益少來輕別離老去重乖隔念汝遠行
役惘惘意不釋道山雖云佳久寓有飢色功名已絕意政
苦婚嫁迫終從大夫議稅駕邦溝側追蹤漢兩疎父子老
阡陌

送李端叔從辟中山

人畏朔風聲我聞獨寬懷豈不知凜冽爲自中山來端叔
天下士淹留蹇無成去從中山辟良亦慰平生與君英妙
時俠氣上參天孰云行半百身世各茫然當時兒戲念今
日已灰死著書如結菴聊以忘憂耳駸駸歲邁盡淮海歸
無期功名良獨難雖成定篆爲念君遠行役中夜憂反側

攬衣起成章贈以當馬策

次韻夏侯太冲秀才

儒官飽閒散室若僧房靜北窓腹便便支枕看斗柄或時
得名酒停午猶中聖醒來復何事秉筆賦秋興焉知懶是
真但覺貧非病茫茫流水意會有知音聽鐘鼎與山林人
生各天性

雷陽書事三首

駱越風俗殊有疾皆勿藥束帶趨祀房瞽史巫紛若絃歌
薦繭粟奴主洽觴酌呻吟殊未央更把雞骨灼
一笛一腰鼓鳴聲甚悲涼借問此何爲居人朝送殤出郭
披莽蒼磨刀向猪羊何須作佳事鬼去百無殃
舊傳日南郡野女出成羣此去尚應遠東門已如雲蚩氓
託絲布相就通慙慙可憐秋胡子不遇卓文君

淮海集鈔

七

海康書事十首

白髮坐鉤黨南遷海瀕州灌園以餬口身自雜蒼頭籬落
秋暑中碧花蔓牽牛誰知把鉏人舊日東陵侯
荔子無幾何黃柑遽如許遷臣不惜日恣意移寒暑層粟
俯雲木信美非吾土草芳自有時鴨鵝何關汝

卜居近流水小東依欽岑終日數椽間但聞鳥遺音鑪香
入幽夢海月明孤斟鷓鴣一枝足所恨非故林

培塿無松栢駕言出焉遊讀書與意會却掃可忘憂尺蠖
以時誦其信亦非求得歸良不惡未歸且淹留

粵女市無常所至輒成區一日三四遷處處售鰕魚青裙
脚不襪臭味猿與狙孰云風土惡白州生綠珠

海康臘已酉不論冬孟仲殺牛搗祭鼓城郭爲沸動雖非

堯脣頷自我先人用大笑荆楚入嘉平獵雲夢

粲粲菴摩勒作湯美無有上客賦驪駒玉奩開素手那知
蒼梧野棄置同芻狗荆山玉抵鵲此事繇來久

喬上桑柘稀蠶月不紡績吳綃與魯縞取具網船客一朝
南風發家室相咻迫半賈鬻我藏倍稱還君息

一雨復一暘蒼茫颶風發怒號兼晝夜山海爲顛蹶云何
大塊噫乃爾不可遏黎明衆竅虛白日麗空濶

合浦古珠池一熟胎如山試問池邊蟹云今累年閒豈無
明月珍轉徙溟渤間何關二千石時至自當還

馬上口占二首

向晨結束事長途利風括面水在鬚鬪窮得水馬不進霧
暗失道人相呼悠悠旁舍見汲井軋軋隔林聞輓車遊目

淮海集鈔

八

騁懷自可樂勿憶鄉縣增煩紆

霜風稜稜萬木枯梅花破萼猶含鬚田家往往事遊獵追
逐狐兔相號呼微茫山中起狂燒隱約林梢低日車馬頭
漸覺有佳趣勿厭阡陌多縈紆

和黃法曹憶建溪梅花同參寥賦

海陵參軍不枯槁醉憶梅花愁絕倒爲憐一樹傍寒溪花
水多情自相惱清淚班班知有恨恨春相逢苦不早甘心
結子待君來洗雨梳風爲誰好誰云廣平心似鐵不惜珠
璣與揮掃月沒參橫畫角哀暗香銷盡令人老天分四時
不相貸孤芳轉盼同衰草要須健步遠移歸亂插繁華向

晴昊

題驀裏圖

雙瞳夾鏡權協月尾鬣蕭森澤於髮鞍銜不施韁復脫旁
無馭者氣騰越地如砥平丘隴滅天寒日暮抱飢渴驥首
號鳴息一發超軼絕塵入恍惚東門金鑄久銷歇曹霸丹
青亦云沒賴有龍眠戲揮筆眼前時見千里骨玉臺闔闔
相因依嗟爾龍媒空自奇鬱旗日行三十里焉用逐風追
電爲

以葦薑法魚糟蟹寄子瞻

鮮鱠經年漬醅醲團臍紫蟹脂填腹後春葦苗滑於酥先
社薑芽肥勝肉鳧卵纍纍何足道釘飯盤殮亦時欲淮南
風俗事瓶罌方法相傳爲旨蓄魚鱠蜃醢薦籩豆山簌溪
毛例蒙錄輒送行庖當擊鮮澤居儻禮無麋鹿

輦下春晴

淮海集鈔

九

樓闕過朝雨參差動濤光衣冠紛禁路雲氣繞官牆亂絮
迷春澗蒨花困日長經旬牽酒伴猶未獻長揚

睡起

睡起東軒下悠悠春緒長爬搔失幽囀欵欠墮危芳蛛網
留晴絮蜂房受晚香欲尋初斷夢雲霧已冥茫

對淮南詔獄

淮海行搖落文書亦罷休風霜欺獨宿燈火伴冥搜笳動
朱樓曉參橫粉蝶秋更擗飛鏡破應得大刀頭

次韻答米元章

嗜好清無滓周旋粲有文揮毫春在手岸幘海生雲花鳥
空撩我葦鱸正屬君惟應讀雌蜺差不愧王筠

宿參寥房

鄉國秋行暮房櫳日已曠驚風多犯竹破月不滅星鉤箔
簷花動抄書燭燼零非關相見喜自是眼長青

次韻傅道自適兼呈都司芸叟學士

楚國陳夫子周南頗滯留弊袍披槁葉瘦馬兀扁舟藥餌
過三伏文書散百憂何人共禪悅居士有浮休

遊龍門山次程公韻

路轉橫塘入亂峰迤尋瀟酒興無窮樓臺特起喧卑外村
落隨生指點中溪傍五雲清逗玉松分八面翠成宮歸途
父老欣相語今日程公昔謝公

遊龍瑞宮次程公韻

靈祠真館闕山隈形勢相高對越臺芬徑翠依屏上轉藕
花紅繞鑑中開鶴騎寶箭排煙去龍護金書帶雨來夾道

淮海集鈔

十

萬星攢騎火滿城爭看使君回

次韻朱李二君見寄二首

東阡北陌坐淹時偶爲高風振羽儀十

花開處遠三

年楮葉刻成遲鬢毛但速安仁老錢粟難輸曼倩飢尚賴
故人遙省憶發揮春色有新詩

萬古流空一鳥沈衣冠常苦事違心七行俱下知君舊四
者難并笑我今梅已偷春成國色雲猶憑臘造天陰美人

綠綺煩遙贈莫致南金增永吟

寄題倪敦復北軒

倪郎才韻照水壺北向開軒頗自娛簷度蕙風鳴鵠鵝壁
經梅雨畫蟻喻觥籌交錯銀河挂文史縱橫角簞鋪官舍
私居同是漫莫嗟三徑就荒蕪

次韻子由題平山堂

棟宇高開古寺開，盡收佳處入雕欄。
山浮海上青螺遠，天轉江南碧樹寬。
雨檻幽花滋淺淚，風危清酒漲微澗。
遊人若論登臨美，須作淮東第一觀。

次韻子由題摘星亭

迷樓舊址

崑崙左右兩招提，中起孤高雉堞西。
不見燒香成宿霧，虛傳裁錦作障泥。
螢流花苑飛星亂，蕪滿春城綠髮齊。
長憶凭欄風雨後，斷虹明處海天低。

次韻子瞻贈金山寶覺大師

雲峰一變隔炎涼，猶喜重來飯積香。
宿舄水干迎曉鬧，亂帆天際受風忙。
青鞋踏雨尋幽徑，朱火籠紗語上方。
珍重故人敦妙契，自憐身世兩微茫。

遊鑑湖

淮海集鈔

十一

畫舫珠簾出縹牆，天風吹到芰荷鄉。
水光入座杯盤瑩，花氣侵人笑語香。
翡翠側身窺綠酒，蜻蜓偷眼避紅粧。
蒲萄力緩單衣怯，始信湖中五月涼。

春日寓直有懷參寥

觚稜金爵自岩巖，藏室春深更寂寥。
捫蝨幽花歌露葉，岸巾高柳轉風條。
文書几上鬢髯變，鞍馬塵中歲月銷。
何日一筇江海上，與君徐步看生潮。

顯之禪老許以草菴見處作詩以約之

橡葉岡頭釋馬銜，區中奇觀得窮探。
崖空飛鼠聲相應，江靜羣峰影倒涵。
居士碧雲栽秀句，道人哀玉扣清譚。
偶成二老風流事，不是三乘宿草庵。

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾風
生陰穴帶龍腥壁間泉貯千鍾碧門外天橫數尺青更欲
仗筇留頃刻却疑朝市已千齡

西城宴集元祐七年三月上巳詔賜館閣官花酒以

中澣日遊金明池瓊林院又會於國夫人園會者

二十有六人二首

春溜泱泱初滿池晨光欲轉萬年枝樓臺四望煙雲合簾
幕千家錦繡垂風過忽聞花外笑日長時奏水中嬉太平
誰謂全無象寓在羣仙把酒時 次王敏中少監韻

宜秋門外喜參尋豪竹哀絲發妙音金爵日邊棲壯麗彩
虹天際卧清深已煩逸少書陳迹更屬相如賦上林猶恨

淮海集鈔

十二

真人足官府不如魚鳥自飛沈 次王仲至侍郎韻

寄新息王令藏春塢

令尹才高寺為空歲時行樂與民同旋開小塢藏春色更
製新聲寫土風客向樽前忘爾汝路穿花去失西東無言
媿女今焉在桃李相傳恨未窮

寄題趙侯澄碧軒

風流公子四難并更引清漪作小亭潤及玉階春漲雨光
浮藻井夜涵星捲簾几硯成圖畫倚檻鬢鬢入鏡屏何日
解衣容借榻卧聽螭口瀉泠泠

寄張文潛右史

解手亭臯纔幾月春風已復動林塘稍遷右史公何忝初
閱除書國為狂日出想驚儒發冢風行應罷女爭桑東坡

手種千株柳開說邦人比召棠

次韻太守向公登樓眺望二首

茫茫汝水抱城根野色偷春入燒痕千點湘妃枝上淚一
聲社宇水邊魂遙憐鴻隙隙穿路尚想元和賊負恩粉堞
女牆都已盡恍如隋侃夢天門

庖煙起處認孤村天色清寒不見痕車網湖邊梅澹盡
公祠畔月銷魂封疆盡是春秋國廟食多懷將相恩試問
李斯長嘆後誰牽黃犬出東門

寄錢節

時節出爲揚州從事新錄兼簡參寥

論月柴門不浪開命車良爲故人來茫然極目春千里尚
想愁腸日九迴綠水池邊聊復爾黃梁枕上信悠哉何時
共約參寥子自擷青菁作飯材

淮海集鈔

十三

贈劉使君景文

落落衣冠八尺雄魚符新賜大河東穰苴兵法由司馬曹
植詩原出國風拈筆古心生篆刻引觴俠氣上雲空石渠
病客君應笑手校黃書兩鬢蓬

答龔漢之

深巷茅簷日漸長卧看花鳥競朝陽惜無好事攜樽酒賴
有鄰家振燭光尚友頗存書萬卷封侯正闕木千章錯刀
錦段相仍至小子都忘進取狂

答曾存之

環堵蕭然汝水隈孤懷炯炯向誰開青春不覺書邊過白
髮無端鏡上來祭竈請鄰聊復爾賣刀買犢豈難哉故人
休說封侯事歸釣江天有舊臺

次韻裴仲謨和何先輩

汝南古郡寡參尋元元長如鶴在陰支枕星河橫醉後入
簾風絮報春深青山未落詩人手白髮誰知國士心多謝
名郎傳綠綺愧無佳句比南金

次韻劉遜父以寧齋詩二軸作以還之

揚舲偶過海邊州一見名郎破百憂荀氏諸龍俱俊偉河
東小鳳最風流明珠白璧堪投報細草幽花入獻酬別駕
舊齋何足念文昌新府待公遊

次韻宋履中近謁大慶退食館中

翠華初到殿中間三館諸儒共一班迎謁曉廷清蹕近退
穿春仗綵旃閒病來怕飲東西玉老去慚陪大小山知續
春明退朝錄借觀當奉一鴟還

淮海集鈔

十四

與鄧慎思沐於啓聖遇李端叔

羸兵瘦馬犯黃塵自笑區區夢裏身不是對花能伏老自
緣無酒可澆春校書天祿陪羣彥晞髮陽阿遇故人三百
六旬如此少更添香火坐遼巡

會蓬萊閣

冠裳蓋坐灑清風軒外時聞韻籟籠人面春生紅玉液銀
盤煙覆紫駝峰天涵秋色山山共樹攬鄉思葉葉重更欲
買船江北去爲懷明德更從容

與李端叔遊智海用前韻

點日誰能化兩龍超然相見古人風紅塵稍與僧家遠白
髮偏於我輩公休計浮名千載後且欣湯餅一杯同何時
並築邦溝上引水澆花半畝宮

九月八日夜大風雨寄王定國

長年身外事都捐節物驚心一悵然正是山川秋入夢可堪風雨夜連天桐梢撼撼增悽斷燈燼飛飛落小圓前洗此情須痛飲明朝試就酒中仙

寧浦書事六首

銷憂
汗讀書不已人皆怪我何求我豈更求榮達日長聊以

魚稻有如淮右溪山宛類江南自是遷臣多病非干此地煙嵐

南土四時盡熱愁人日夜俱長安得此身如石一齊忘了家鄉

洛邑太師奄謝龍川僕射云亡他日巋然獨在不知誰似
淮海集鈔
十五

靈光

身與杖藜爲二對月和影成三骨肉未知消息人生到此何堪

寒暑更拚三十同歸滅盡無疑縱復王闢生入何殊死葬

泗州東城晚望

渺渺孤城白水環舳艫人語夕霏間林梢一抹青如畫應是淮流轉處山

次韻參寥見別

爐香冉冉紆寒穗篝火熒熒擢夜芒預想江天回首處雪風橫急雁聲長

春日五首

幅巾投曉入西園春動林塘物物鮮却憇小亭纔日出海
棠花發麝香眠

一夕輕雷落萬絲霽光浮瓦碧參差有情芍藥含春淚無
力薔薇臥曉枝

袂衣新著倦琴書散策池塘返照初翠碧黃鸝相續去荇
絲深處覓遊魚

春禽聲底引圓吭臨罷黃庭日正長滿院柳花寒食後旋
鑽新火熱爐香

金屋舊題煩乙子蜜脾新採賴蜂臣蜻蜒蛺蝶無情思隨
例顛忙過一春

秋日三首

霜落邗溝積水清寒星無數傍船明菰蒲深處疑無地忽

淮海集鈔

十六

有人家笑語聲

月團新碾滄花羹飲罷呼兒課楚詞風定小軒無落葉青
蟲相對吐秋絲

連卷雌蜺挂西樓逐雨追晴意未休安得萬粧相向舞酒
酣聊把作纏頭

春日偶題呈錢尚書

三年京國鬢如絲又見新花發故枝日典春衣非爲酒家
貧食粥已多時

題郴陽道中古寺壁二絕

門掩荒寒僧未歸蕭蕭庭菊兩三枝行人到此無腸斷問
爾黃花知不知

哀歌巫女隔祠叢飢鼠相追壞壁中北客念家渾不睡荒

山一夜雨吹風

幽眠

幽眠起常晚冬晷復不長中間數十刻倏如驚燕翔晨食
粗云畢申鼓鳴相望忽忽竟何就念之動中腸天地一逆
旅死生猶轉商暫來旋云去遲速乃所常較計亦何補徒
歎費慨懷不知聽兩行一槩付酒觴北風吹老槐白日轉
紙窗布衾一覺睡身世成渺茫宿莽冬不衰蘭茝幽更芳
無庸傷局促速此鬢髮霜

隕星石

蕭然古丘上有石傳隕星胡爲霄漢間墜地成此精雖有
堅白姿塊然誰汝靈犬眠牛礪角終日蒙羶腥疇昔同列
者到今司賞刑森然事芒角次第羅空青俛仰一氣中萬
化無常經安知風雲會不復歸青冥

淮海集鈔

十七

山陽阻淺

一日行一尺十日行一丈豈不歎淹留所幸無波浪悲風
動淅夜原野眇森爽青天行蟾蜍枯水轉颺颺此時蓬葦
下去心劇於癢棄置勿復論通塞如反掌

次韻麥寥莘老

迅風薄高林萬象號虎豹紛披枳與棘爾復鼓狂闌我垣
旣已頽我棟又以撓豈無一木支橫力難與較黎明忽自
罷晴日射魚罩死水失狂瀾衰木回故貌勞生真夢事往
趨如睡覺炊黍焚黃鶉吾其理歸棹

送洪景之循州叅軍

寒梅不自重輒花桃李先嬌任有佳菊最後衆芳妍各因

一時美難以相嗤憐物理固若是士林亦宜然夫子南園
俊聲猷推妙年數奇晚方偶叅軍古龍川龍川雖云遠風
物號清鮮羅浮不相下頽頽鬢荒天雲鬢二三子聊足奉
周旋行矣試老拳歸歟遠翔騫

茶

茶竇嘉木英其香乃天育芳不愧杜蘅清堪揜椒菊上客
集堂葵圓月探奩盃玉鼎注漫流金碾響杖竹侵尋發美
啗猗犯生乳粟經時不銷歇衣袂帶紛郁幸蒙巾笥藏苦
厭龍蘭續願君斥異類使我全芬馥

贈張潛道

張生何爲者落魄不自拘獨攜三尺琴笑別妻與孥一來
泊吾里忽已月再虛朝遊故人館暮止佛子廬雖無食羹

淮海集鈔

十八

餘所樂常晏如我欲有所進生聞勿煩紆君子間有道不
專現然居無道祗濠適鳴戲亦已愚願生脫塵鞅從我滄
海隅

秋夜病起懷端叔作詩寄之

寢瘳當老秋入夜庭軒空天光脆如洗月色清無縫風颭
吳泉輕露氣霏霏重簷花伴徐步籠燭窺孤諷緬惟情所
覩佳辰誰與其夫子淮海英材大難爲用秉心旣絕俗發
語自驚衆塵尾扣球琳筆端攢蟬蝨雄淡迨揚馬妙麗該
沈宋浮沉任朝野魚鳥和颺鳳與時真楚越於我實伯仲
爾來居邑鄰頗便書札貢上憑鴻雁傳下託鯉魚送二物
或愆時已辱移文訟人生無根柢泛若凌波持昧者復汲
及晨暝趨一闕陰持含沙毒射影期必中自匿媮母容對

客施錦幪溘然一朝逝萬事俱成夢形骸猶汝辭勢利猶
君動患之可太息傷之爲長慟所以古達人脫身事高縱
我生尤不敏留腹常空洞彊顏入規模垂耳受羈鞅行謀
買竿棧名理就折衷但恐狂接輿煩君更嘲弄

送孫誠之尉北海

吾鄉如覆孟地據揚楚香環以萬頃湖黏天四無壁蜿蜒
戲神珠正晝飛霹靂草木無異姿靈氣殊鬱積所以生羣
材各抱荆山璧小爲百夫防大爲萬人敵夫子少邁倫喑
鳴阻金石奏賦明光宮玉座瞻咫尺翻身墮雲霄十載迨
窮厄焚舟更一戰得尉滄海北五月乘畫船簫鼓事遠適
天橫齊山青雨帶楚水黑勿云晚方仕四十乃古昔勿云
名位卑九萬自此擊幽求尉朝邑髣髴森已白元振尉通

泉律令非所卽一朝會風雲

開文

秋興擬韓退之

逍遙北窗下百事遠客慮無端葉間蟬催促時節去愁起
如亂絲營纏不知緒日月豈得已還復役朝暮人生均有
得悲歎我不悟春秋自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭獨客
辭故鄉推車謁梁城梁城道迢迢區區役吾生不如歸舊
山藜藿安性情

擬韋應物

坐投林下石秋聲出疎林林間鳥驚棲豈獨傷客心物亦
有代謝此理共古今鄰父縮新醅林下邀同斟癡見踏吳

歌姬姪足詭音日落相攜手涼風快虛襟

宿金山

山南山北江水流半空金碧隨雲浮我來仍值風日好十
月未寒如晚秋山僧引客尋蒼翠歷卷參差到平地萬里
風來拂骨清却憶人間如夢寐夜淡無風月入扉相對老
人如槁枝流水與天爭入海共笑此心誰得知下山却向
中泠望番憶當時在屏障老母思兒且欲歸回首雲峰已
天上

李端叔見寄次韻

君文豪贍無與儔使我吟諷志離憂浩如沅湘起陽侯翻
星轉日吞數州華章藻句饒風力頃刻朱紅迷吟域一斑
縱復爲管窺萬派終難以之測區區文墨倦高情解執還

淮海集鈔

二十

遊恍惚庭半槽新水六尺簾卧視雲物行空青伊我盪輿
抵京縣溽暑黃埃負初願君家只在御城東彌月不能三
兩見求仙未若醉中真蟻鬪蛾飛愁殺人清都夢斷理歸
棹回首一樹瓊枝新歸來草木春風換世事蜩毛那可算
幸謝故人頻寄書莫笑元郎自呼漫

陳令舉妙奴詩

西湖水滑多嬌媚妙奴十二正芬芳肌膚皙白髮脚長含
語未發先有香溪上夜燕侍簪裳皎如華月墮滄浪音聲
入雲能斷腸不許此客辭酒漿主人藹藹邦之良少年射
策謁未央俊詞偉氣森開張玉杓貫斗生怒芒天欲文采
老更昌故使斂翮窺羣翔五十僅補尚書郎浩歌騎牛倚
徜徉東風戲雨花草狂二溪泱泱青黛光妙奴勿倦俯羽

觴主人正欲遊醉鄉

還自湯泉十四韻

歲晚倦城郭聯驂度業峩天黃雲脚亂村黑鳥翎訛潑水
侵生路晴天落漫坡澄江練不卷温井鑑新磨魚火分星
遠沙鷗散點多霸祠題玉筋龍窟受金波琬琰存吳事兒
童記楚歌孤龕瘦居士雙塔老頭隨飛鼠鳴深穴胡蜂結
巧窠晚參圓白足昏梵禮青螺雲馭沉荒甃仙春沒淺莎
杖藜從莫逆談笑入無何滲澹日連霧蕭騷風轉阿華清
俄夢斷回首失煙蘿

辯才法師嘗以詩見寄繼聞示寂追次其韻

遙聞隻履去翛然詩翰纔收數月前江海盡頭人滅度亂
山深處塔孤圓憶登夜閣天連雁同看秋崖月破烟尚有
衆生未成佛官超欲界入諸禪

淮海集鈔

二十一

次韻公闕卽席見寄

與君鄰並共煙霞乘興時時過我家更漏一新聞曉角門
關數級看秋花湖山對值全如買風月相期不用賒賴有
醉毫吟更苦他年分作句圖誇

秋興擬杜牧之

鼓鞞夜戰北窓風霜葉鋪堦疊亂紅一段新愁驚枕上幾
聲悲雁落雲中眼前時節看馳馬目下生涯寄斷蓬弟妹
別來勞夢寐杳無消息過江東

秋興擬白居易

不因霜葉辭林去的當山翁未覺秋北里酒錢煩屢索南
州詩債懶頻酬欲歌金縷羞紅粉擬插黃花避白頭底事

登臨好時節等閒收拾許多愁

中秋口號并引一云雲山閣白語

伏以四難并得旣爲樽俎之佳期五福具膺實號縉紳
之盛事矧中秋之屆候宜公燕之交歡恭惟列府大資
身遇聖神家傳將相時應半千之運論歸尺五之天姓
名久在於金甌方面暫分於玉節浮塔飛閣引南國之
佳人豪竹哀絲奏西園之清夜

雲山簷楯接低空公晏初開氣鬱葱照海旌旛秋色裏激
天鼓吹月明中香槽旋滴珠千顆歌扇驚圍玉一叢二十
四橋人望處台星正在廣寒宮

次韻侍祠南郊

風馬雲車下九天郊柴初告帝心虔天如倚蓋臨壇上星

淮海集鈔

二十二

若連珠遶御前縹緲佩環參雅奏峩巖樓閣抱非烟侍臣
舉酒欣相屬醉看參橫左右肩

口號

美酒忘憂之物流光過隙之駒不稱人心十事常居八
尤得開口笑一月亦無二三莫息身外無窮且賭尊前
見在功名富貴何異楚人之弓城郭人民問取遼東之
鶴付與香鈿畫鼓盡歡美景良辰欲奏長謠聊陳短韻
平原居士今無影鸚鵡空洲誰舉杯猶有漁陽摻搥鼓爲
君醉後作輕雷

早春

黃金蕞蕞滿垂楊尚有春寒到畫堂酒力漸銷歌扇怯入
簾飛雪帶梅香

起枕倅至汴上作

俯仰觚稜十載間
扁舟江海得身閒
平生孤負僧牀睡
准擬如今處處還

無題

掃地燒香閉閣眠
簾紋如水帳如煙
客來夢覺知何處
掛起西窓浪接天

蘇子瞻記江南所題詩本不全余嘗見之記其五絕

今以補子瞻之遺

東坡跋并三絕見正集第十卷擬羅錦詩注下

紅窓小泣低聲怨
永夕春風斗帳空
中酒落花飛絮亂
曉鶯啼破夢匆匆

鶯草露如郎倅薄
亂花飛似妾情多
歸鴻見處彈珠淚
語燕聞時斂翠蛾

淮海集鈔

二十三

琴絃斷續愁兼恨
嶺水分流西復東
深院小扉紅日落
繡牕閒倚更誰同

參橫霽色天沉水
宿鳥寒枝竹瑣煙
衾惹舊香清夜半
淚凝殘燭畫堂前

寒信音風柿葉黃
冷燈殘月照空牀
看君記憶傳文錦
字字愁縈惹斷腸

金山晚眺

西津江口月初弦
水氣昏昏上接天
潯谿白沙漲不辨
只應燈火是漁船

和程給事贈虞道判三首

刀圭雲母具晨飡
門對三層步斗壇
夜考鶴纏笄七九
曉占歲氣辨齡丹

火棗交梨近可飡不須地肺及天壇
龜藏坎海毛皆綠鳳宿离宮色自丹

紫府沉沉揜夜關竹陰清掃月中壇
歲星偷得桃枝碧董奉栽成杏子丹

處州閒題

清酒一杯甜似蜜美人雙鬢黑如鴉
莫誇春色欺秋色未信桃花勝菊花

春詞絕句三首

蒲萄裊暖蕙薰微紅日窺軒曉覺時人倦
披衣雙燕出青絲高罨木蘭枝

弱雲亭午弄春嬌高柳無風安翠條
懶讀夜書搔短髮隔垣時聽賣錫蕭

淮海集鈔

二十四

都城春富百花披長憶入歸駐馬時
淺色御黃應好在爲誰還發去年枝

秋詞二首

雲惹低空不更飛斑斑紅葉欲辭枝
秋光未老仍微暖恰似梅花結子時

無數青莎遶玉階夕陽紅淺過墻來
西風莫道無情思未放芙蓉取次開

呈李公擇

青箋學處銀鈎斷紅袂分時玉筍懸雲脚
漸收風色緊半規斜日射歸船

落日馬上

日落荒陬白霧深紫驢嘶頷出疎林
回頭已失來時路杳

香金盤墮翠岑

陳賞除穢有感

之高邈人自以無補于世置江湖乃宜

春來百物不入眼唯見此花堪斷腸借問斷腸緣底事羅

衣會似此花香

備四十三卷之水利原繁昌改教長平江

府參政范石湖自使過歐蘇名不在少游下尋知宛陵

縣授朝散郎淮南路安撫司參議官病卒陸放翁序其

集謂能居今篤古卓然傑立于頽波之

事浮響故見許如此

淮海集鈔



梅花結子時

無數青莎透玉階夕陽紅透過牆來

芙蓉取次開

呈李公擇

交會此此非香紅袂分時玉筋懸雲脚漸收風色緊

捲來百物不入眼則則具此非其瀾昔開瀾即瀾氣車羅

賞金盤墮翠岑

香金盤墮翠岑

江湖長翁詩鈔

陳造字唐卿淮之高郵人自以無補于世置江湖乃宜
又以物無用曰長物言無當曰長語故稱江湖長翁年
二十五始學儒四十三登乙未科尉繁昌改教授平江
府叅政范石湖曰使遇歐蘇名不在少游下尋知定海
縣授朝散郎淮南路安撫司叅議官病卒陸放翁序其
集謂能居今篤古卓然傑立于頽波之外其詩推鍊不
事浮響故見許如此

寄二孫

憶昔初抱孫雙鬢已秋眼看與我長歲月如許道我以
薄宦西汝爲守舍留夢輒來後前歲律歛再周想今與迺
父長我更半頭天姿粹而溫整整靜不浮六經如取攜八
面自優游落筆動萬言頗能如翁不如翁何足道抗志須
前脩良匠有妙斲情農無厚收彼哉碌碌者不源而討流
吾言不虛往過是夫何求

右尿

江湖長翁詩鈔

阿秦幼儻礪勢若泛駕馬暫別已束髮折節殊曩者誦書
口瀾翻晝夜曾不捨課宥犯雪供筆亦揮汗把才地校優
劣不在阿儒下平時於方兄眇視真土苴念翁少年日爲
學不餘暇混俗類疎放秉心迺儒雅兒今頗肖吾解笑時
苟且師匠求有餘好書不外假緬懷螢雪邊力倍功更寡
可用吾季孟直輩古班賈

右辰

七月附米舟之浙中作

白蟲散如蛆黑蟲聚如蟻循緣仍啞齧欲寐復九起吾舟
玉爲粒生此果何理神奇作臭腐秋暑况如燬人生託洪

爐一飽蓋分爾臨流念彫年胡適置身此笑口忽惜悅曼
膚或瘡痛隄防費應俗情倘良不美短籬護松菊吾歸殊
可喜雖刀詫朋儕嗟爾商販子

召伯停舟辟雨

去年是日之山陽辟雨繁梁作菩薩蠻云

窗度荷芰風舟艤鴛鴦浦落帆憇師避此白淙雨長征
取愜快畱滯不云苦適喜縣麻勢爲盪鏢石暑去年舟繫
柳卧看虹飲渚龍公會事發尚記跳珠語崎嶇不諧俗似
爲龍所予一杯酬新涼開瓶先酌汝

過樊村

襄鄂二千里何啻三百灣風色九順逆左往復右還舟行
已三日沿流不作艤卽今蒼煙面猶是泊處山信次有定
期曲直了不關聊可供戲事輕橈與回環

贈錢郎中

江湖長翁詩鈔

二

利方利祿媒抱道俗不省詩書工發冢孰起世儒病錢侯
挺直節蠻微復蘭省劍氣夜星明鵬翻秋霜耿上前論世
務萬乘爲首宥平生中原慮壯歲左符請不作黃閣想擬
試白羽秉孤忠當寧知宏圖時宰領羣兒須圓曲謂可力
勝命彼此計乘除得甕喪崇鼎平生信所得一鑑照萬境
幕中辭脂韋客石進巖冷主簿聲牙伯評俗怒生瘳謂伯永
今君強項翁爭事不藏穎謂劉山陽但有周舍思可無衛武警
我亦意行者泥古志未逞朝來聽名理剪燭延落景寸田
殊易荒有賴剔榛梗效竒之良策汲滾慙短綆惟期佩公
言不墮頽俗弃

八月晦試院中作

官居課程地生有文字癖誠知蠶負山詎得辭此傲嘉禾
古多士孰者非巨擘老眼不待封舊苦眩花隔勿云石賈
王箴失眸亦得荀子云失箴者眸而得之捧心若爲妍竊鈇徒自匿陸
海貪窮搜奇寶多偶獲巧常昏金注勇或便大敵清澤聆
鄒琴欵識辨周鬲頗收半段槍遐念連城壁渠應悔羔袖
吾敢厭雞肋撫囊寧利穎體國免素食明朝羅客拜定自
百夫特俗無拋博惡歸舟緩張席

三月初晚晴寄高縉之三首

東風掃積陰殘雨不敢漂壞雲裂裳帛倒掛墜嶺腰鳥影
不作暝夕陽明山椒安得上上頭風露永清宵

人家繡閨閑湖上粧面新湖山簫鼓中魚鳥安得馴山靈
建飛雨淨洗綺羅塵卽今隄邊柳爲誰管殘春

江湖長翁詩鈔

三

曲欄倚青冥萬井入指顧湖光漾明霞照我凭欄處森木
倦鳥歸遙空征鴻度定知待月人破竹有奇句

車堰牛

牛力輕萬鈞性順異諸畜有足不解蹉有角不皆觸課日
引耒耜爲人給穀粟私家憂闕食公家要餘蓄公私雖相
須置汝誰取足奈何過堰客行舟動千斛挽牽亦諉汝最
鼠頸髀縮扣角一勞之不語對以腹物生愧無用懷安或
作福於人儻有益虛身豈云階若看廟前牲被繡飽菽菽
膏血薦鼎俎誰定悲敲煉

舟行卽事

昨日出曹娥明日指慈谿待潮舟爲膠得潮舟若蜚雷滯
復一快計程元不遲人生意失得孰者棄除之今屆昔已

伸彼羸此或腐但可自適過尚用悲喜爲水伯愚弄人政
如造物兒丈夫木作腸渠輩未易知

餞寄定海交代

縣尹古子男今不一錢直低催奉簡書偵伺常屏息白簡
與按章歲月俱彈劾當路雖所懼姦民巧狙擊吻間售峰
蕘意外變白黑防虞莫救過彌縫或逃謫政使有卓魯未
容置形迹云何世難事君不動聲色編民翕風移惡少且
心革田廬有笑歌魍魎亦窳匿斯人紀仁愛幾磨南山石
政聲懿如此僅免繩治厄諸公蜚鸚書犯嚴尚遺力安得
定海民爲君灑薦墨蘭臺傳循吏採訪多失實安得定海
人爲君秉直筆嗟我吏隱者志在山南北身名萬金重如
博試此擲賴今遺愛地一一可矜式政恐效西子美翠得

江潮長翁詩鈔

四

嘲劇江泉一樽酒聊挽朝天客妙樂喧江浪清譚到理窟
盟言底遽寒舟駛潮水急西望念風義感歎徒至骨

送李象山趨朝

象山海邑古稱象山郎今聽李明府
言頗亦費支梧故云

書肘詎容掣筆柱不可膠付事多其防職業自寂寥頗思
圓機士細苛舉綱條宰邑古難之茹苦耐煎熬百抑不一
揚推波益驚濤由來法愈密祇爲下所操一饑驅我出銅
墨強折腰換翅著籠中側睨鵬冲霄平生有知己持橐貳
銓曹君來定倒屣道我不自聊願推變通術霧雨均枯焦
而况代舍舊宥惜引手勞

十二月二十六日趨府

誰謂一舍遠不辦三食趨亭午縣市西衙鼓府城隅匹馬
驚鳥去指槌冰在須北風挾霜氣萬象付摧枯想當折翠

絃未怪裂人膚跪裘被甲如是日有若無客首不暇回顧
客少踟躕出處不能同勞逸爲之殊龐翁馬少游似非隱
者徒鄉居老躬耕飽溫得自虞婆娑銅墨間盍亦省頭顱
菱蕪脫中熟吾口良易餽

別俞君任通判

一代石湖翁韓歐或其儼當時出門下如君屈幾指論定
難爲才我乃輩多士椎成方未噐正賴君礪砥師友繫魂
夢栩栩輒千里驚見得此客乾鵲預爲喜一笑破千憂天
幸寧有此石湖倏眼中此翁真不死

邵伯阻風小泊贈送行諸公

長征每愛日小泊未遑意陰風自南北客子聽軒輕召棠
望吾鄉不作秦越異船閣鴈鴛洲入穿魚鰕市相逢各吳

江湖長翁詩鈔

五

語知識十三四水實不自買海錯有佳饋餞行餘十客超
俗見友義笑譚寒谷春爲我洗羈思相與卧玉瓶跋燭得
微醉老懷易作惡別語毋動喙

魏帝廟

佛狸歲未卯志欲吞宇縣當年江飲馬腥血浸淮甸無人
飯耕牛有井巢歸燕至今閱遺史爲汝空飲恨緬想瓜步
畱殺氣纏吳分云何此山椒遺像儼高殿無乃甘事讐吳
俗昧所見或復綿歷久後嗣忘敵怨冥莫彼有識福汝吾
敢信君看趙與薛徇國冒禍釁魏侯繼前躅長呼死白刃
胡不尸祝之香火均遠近豈但祈神休抑使頑懦奮誰今
決從違引手適我願

趙侯立薛侯慶魏侯勝皆淮南死事將也

長蘆寺

昔年望長蘆去江逾百步垣宇呀已缺浮圖款欲什僧徒
噉宵留日有沉溺懼重來舒望眼佛刹非故處安衆得亢
爽定遷疇夙素似聞瓶錫侶復作醯醢聚居人禱蠶麥行
客乞泉布營者肆夸侈施者不顧慮百堵煥金碧奚翅復
其故往往豪雋人四壁有未具彼徒創寺意取鎮淵濤怒
向來梵唄所修爲蛟螭據在已不自保誘俗說依怙波流
置不省此理吾未論

泊慈湖北岸

坐覺江流平漉漫裂三股舟子告風橫因循宿中浦慈湖
古戍近猶復小江阻漁翁家葦間蝸舍無鄰伍把酒訊三
老此寧泊舟所論我今昔異解帶無所苦向來揀丸徒白
晝猶旁午一白尚書來此輩凜刀鉏江山亘千里有屋皆

江湖長翁詩鈔

六

外戶似聞襄江道衽席過行旅翳公舊威愛平寧尚如許
兩地好經行爲官喜欲舞倒牀鼻雷吼夢破聞船鼓受欺
墮姑息迂儒彼何取

謂張尚書炎史

上下驛磯

湖陰數里間山麓屹兩磯幾麓突江出禹功不及施千古
妨行舟死生繫毫釐我昔步磯上雨歇暑氣微驚湍下百
尺怒勢轟千聲尚憂坤軸動無怪沙岸欹螿龍渠得安過
鳥翅欲垂頭眩膽爲掉坐歎舟上兒壯哉天下險姦軌容
抵巇如身護風寒要地此幾希今來歲華暮去舟良坦夷
人言水進退寒暑分盛衰古來設險守亦有可易時兩谷
與劔閣秦漢嘗用之人輕地亡重正煩折筮筮恃險無典
國與國須藩籬帝王所取重文武各攸司險易倏變改自

磯餘可推

蕪湖感舊

下帆同鳥棲掛帆逐鷄起但見蕪湖月耿夜清如水江左此壯縣我昔舟屢艤諸公各敬客款曲豈今比酒杯賈邀畱妓圍供燕喜流連動十日每過蕪湖朱丁諸公約以十日為期揮掃或千紙舊游想如昨故交今餘幾逝者泉壤隔存者參辰似浪憑楚些招盍寄相思字可能喚巫陽且欲託雙鯉

過繁昌

江山互映帶竹樹渺隱見居人江山間安處忘古縣泊舟穴子初舊觀儼自薦噓山高攙雲雲際秣陵旋慰我塵埃容嘉此煙雨面山脚慣奔走尉曹分卑賤縣人應指似髻改顏狀變漂零渠未知憂患嘗欲遍俛仰二十年轉眄閱蜚電故人半在亡在者或海甸明朝理去楫山影暝江練安得人如山來往長相見

繁昌早發

客行固塵身畱滯如振翼及茲祖禮竟虜食觀帆席風停浪未蟄天曙月正白版磯匯湍殺荻港煙樹碧杖策丁家洲徙倚容少息無酒問山店憶鱸聽村笛島鳥啼松竹鳴鵝下沙磧回柁投曲澳又寄糝潭夕情疎或易合不作淮楚隔纍然橋項翁軟語慰行役

泊海子口

池口至海口望望三舍外辰發莫已到回首西日在風師宥憐客祖道煩一嗔我舟疑凌虛楚山真歷塊蜚鳥相讓疾驚浪乃弗逮窮途坐局縮頗嘗得此快過邁自本圖關

供恐貽悔未辦問村醪且計具薪菜

泊小姑山

楚山屹兩姑我見乃其稚聞名詩卷間識面容舟次玉刻
極端麗簪植暝蒼翠娟月上天角相與詫嫵媚怒風將我
吹東恣卜晚憩山足舟可艤山木纜可繫山外正風波獨
此佳饒家斷知有神物主此勝絕地明朝捐行橐可無答
神賜白鵝雪爲肪綠蟻香馥鼻舟穩風又熟無乃契神意
未暇訪彭郎辭費辨非是

郭家洲

攜兒上絕岸微徑步蒙密人稀鳥島樂老屋幾百室荒涼
郭家洲籬落映殘日問俗得周旋磨門頗蒼卒興衰今昔
殊郭姓尚十七鄰里闕鹽茗翁姬僅盟櫛共說頻歲歉平

江湖長翁詩鈔

八

陸江浪沒場圃或潭洞椽棋行蟻蛭去秋微收爾樵採取
黔突接耳多樂郊一去恐兩失吾邦有杜母撫我不待乞
縑租桑柘在休役孫子佚意使流碎無寧後倉廩實官今
潯陽來吏師那容失書紳拜此賜知我佐郡紱古來禪肉
食多自芻蕘出必若窮吏道孰先究民疾剝膚快目前吾
固笑無術

離富池

江流寂無聲明滅窗月曉客枕歸夢餘意先西蜚鳥雪天
信少風翳面正繚繞富池忽信次宵羨鵬鸞矯向免犯險
艱神惠顧豈少今晨有佳典調笑向諸小波平旗脚直康
莊馳騁裹鱗鱗到座隅健鵲卓林杪人家積蘇間山影橫
練表未成官縛去得句吾事了

龍眼磯其小而巧漁者聚焉

誰謂石一拳不作江流礙朝來揚帆西轡若驥歷塊龍眼
風火磯培塿視華岱似聞潢潦時亦復鼓湍匯鑿去本不
難奇巧禹所愛其上嘉樹密其側魚網曬居惟羨漁鄉復
欲老犢背西歸儻得此庸敵七里瀨

次臧秀才讀蘇集

秀才甚文予未識也

自我得蘇集玩閱幾忘年汲甘乏脩綆適遠疲短牽取一
九不隨望若終茫然子齒始半我用志超我先晶熒出秀
句妙鋤遺雕鐫此翁濠堂奧駢闐誰敢專潢污置不云學
海須百川怪子介且方落筆盤走圓子真蘇門徒豈獨長
短篇平生脩月手不補衣履穿秦黃晁張陳眾星耿霜天
世儒昂其首指似如登仙子起斯人後遊刃牛無全邢娥
望可知眾女空丹鉛何時班荆地解我心懸懸卽今清夜
夢不止懷音賢

江湖長翁詩鈔

九

雪夜與師是棋次前韻

投醪士或醉說梅人不渴窮途餘樂事不受憂患逼詩可
供呻吟棋亦識死活朝來喜雪句神藥胎可奪一揮與兒
晤斷無市聲聒旣免沈舟謾不作賭墅謁指冷良易忍眼
花苦爲孽疏置仍作蜀隨意略細問瓜葛勝負間時亦近
眉眉策幾奇兵鏖地比弱王割吾非江左管祇犢愈愛說
升沈作豐悴今古無成說家居鼓吹具藉以保晚節掀鼻
得一笑爲汝倒蕉葉袖手聽殘更紅麟噎晴雪

再次韻

雪應時可喜晴不遲尤可喜雪止恰除夜因

人間十日雪已潤夸父渴宿雲忽披靡義馭與抑遏春從

九地回旋放刁甲活主張披拂是大塊司予奪椒栢追時
序鼓吹聽曉聒詩壇有同盟辦作衞神謁得雪晴更佳過
是或爲孽羣山半披剝衆巧獻一閱懸知兵吏集不待鋪
木屑令尹活入手小試牛刀割廣文甘僻左不宥事容說
與俗分樂事盍以韻語說獨慙長鬢送不量好時節六一謂聖
俞曰山婦云好時每節送詩擗人家不知吾輩所樂在此要須百篇富趁此梅未葉正
使領兕觥快作湯沃雪

至喜鋪

外朝走馬息險絕欲無路駟駿蹙萬蹄勢若敵場赴崩騰
臨空曠踞足此小駐蕭然一驛傍爲此數家聚川城南山
下邑屋隨指顧行人不勝喜息駕始此處覺然愀然意南
北分來去我解房州印初試歷險步胡爲亦自得不作罷
茶慮鄉心建瓴水歸夢受風絮殘年歸來引他日遂初賦
是役固已勞端復酬夙素臨風搔白首一笑飭徒御

涑口守風

辦舟留襄陽辟風泊涑口得行秋甲辰初到夏癸酉跋鼈
已自慣束髮至衰朽坐是冥得喪况復多病後絕憐操舟
兒不措脫穎手顧瞻峴山亭覲面可奪取微風吹薄暮霽
景掛高柳涼月欲略箕陰氛尚侵斗明朝起拖計未敢決
可否身已不藉在心自無何有一事萌一意但見掣君肘
擁書坐蓬窗醉我不以酒

赤口灘

漢江多惡灘赤口乃其最前年將家上正值江流殺奔衝
震溝猷狼石森戟鏃巖巖取進寸一跌尋丈退聞此尚痛

定躬履况兒輩今者劈箭去未覺有端匯一雨動三日遠
岸卷澎湃向者險熾地了不經眼界三老笑相語無復憂
滯礙路可屈指計歸將平心待窮塗偶快意此惠莫謀大
龍公本何心賤子多感慨

旅館三適

予以病愈不食麵此所嗜也以米漿代之且宜燒猪客有惠清白堂酒者同時製作

三詩識之

厥初木禾種移殖雲水鄉粉之且縷之一縷百尺疆勻細
鬩吐緒潔潤鵝截肪吳儂方法殊楚產可倚墻嗟此玉食
品納我蔬菽腸七筋動輒空滑膩仍甘芳豈惟僕養餽政
復奴枕椰卽今弗洎感頗思奉君王
雋永項上癯紅嫩劣帶骨彼美大欄君坐受羣毛朝鼎滄
走真味正籜松炬燒芑我銀絲窩葱豉巧和調董塗非所

江湖長翁詩鈔

十一

宜淑郁如蘭椒腹腴但下隸擅根合藤條併填長翁腹未
覺喉牙搖但訝大嚼餘無補詩腸枵
佳齊宥見分春意偕客至誰將清白名言代碧香謚起淪
饒磁甌玩吮色香味醒酬馥牙頰沉瀼沃肺胃柔落古宜
城不足偕品第我病久不飲此日欲小醉快哉羈寓中乃
遣拜嘉惠一盃先晨飯歛作凌雲意米托薦燒豬佳此三
者備飽足仍酣醺眇睨人間世

官務

磨陁爲官多曉了未更歷今世從仕者萬口用一律文按
日從事厲驚竊投隙自謀脫悔吝初宥計易劇追逮有踵
接符謀動山積豈念南畝民晷刻校日力停犁聽上命質
衣供旅食誰定老我師黠民幾鬼蜮締彼刀筆吏表裏肆

狙慝奈何食肉人立說與推激此論儻不破此樊終未息
捩予閱世熟敢此諗在職

命書

命書唐濫觴委源傳呂後有倡莫爲遏波蕩今不救字育
叵數計八字詎所囿甲子動珍億舉一百萬漏荒唐無稽
據誦言指休咎奈何聰達人頗復安此謬懷刺曳長裾偃
蹇文士右夸詡走干謁薦墨不待叩士有待濡沫百請不
一售我昔遊江淮知識間新舊文士不到眼此輩日交筮
辭章輕孟水羨彼行橐富鰓鰓問利祿吾儒所浚陋自笑
與世違迂論取排詬

財昏

師昏古所辭財昏今不耻傳祀合二姓古者貴由禮四德

江湖長翁詩鈔

十二

五可外貨賄亦未爾民風日就頹捨此爭校彼媒氏未到
眼聘資問有幾傾筐指金錢交券舉租米東家女未笄儀
笄無可紀已聞歸有日資送耀鄰里西家女三十閉戶事
府桌四壁漏風霜行媒無留趾坐貧失行期趣富費貪鄙
流弊例不免其源實此起多約或少酬暫譽甘長毀坐令
親舊歡詭譎變狐鬼何況性習聞貧富岐藏否土俗未易
挽入情大不熒悠悠何足道吾以諗君子

聽政

爲政貴中和偏徇古無取無心斯善應奸譽乃其蠹奈何
聞見間往往用心誤扶弱抑其彊古或垂此譽世異俗且
殊處今猶徇故曲直本不昧彊弱豈所據君子不此恤情
僞濁月素富室被剝腹日有貧寡慮士夫受加陵悔不齒

編戶羸弊取必勝玉色不氣去不知世富室如母子所怙
不知意定向未語機已露傳繼用一律抱冤莫赴懇用是
致和氣南首問燕路

錢鏐

為家重墻垣為民須貨殖楊廬國百戶東南賴控扼淮民
魚米餘百貨仰殊域用銅防外泄用鐵乃奇畫一利伏一
弊救弊要得策持貨實官券捨此莫衣食錢貨天下用鐵
乃限南北坐令兩淮民塊處斷貿易計鐵取券直十纔取
六七朝賢愛淮民此困盍矜恤銅鐵均國寶通變豈無術
近甸視遠地未可岐畛域况今苦倒垂倚待振焚溺緣江
入郡爾雜用顧何失官券朝北來淮俗暮安宅即今私鑄
斷胡尚膠今昔吾貧復淮人計勢不容默

江湖長翁詩鈔

吳節推趙楊子曹器遠趙子野携具用韻謝之

平日從後遊寂寂坐多病犯床漫飛埃瑤笙罷重請犯床
器床謂宮調相犯昔遊喜復到風物他日盛坡恐名燕支
修樂器惟笙日請樓亦詫端正新交間舊友氣合宮羽應譚塵冰霜厲筆陣
驚鸛勁吏隱分樂地與世不好徑拔貧辦一歡挾賁輕百
乘四豪載酒過講德珠璧映歌奏雲近人舞罷鸞顧鏡醺
醉忘主賓笑語似紛競朱樓識阿昉白酒醉師命明朝耐
殘醒江聲醒幽聽此樂謫仙後同異君試訂四豪成風手
可但隻字警我投詩社名拜手敢貌敬

記夢示師是

青燈寒夜思吾鄉合眼便坐吾家堂阿丁炯然目如水綠
衣翩僂趨我傍中心喜之謬督過還為遨嬉廢書課指似

斜日西窗紅小賦未破書未供向渠不敢恩勝義亦憐性
縮不自容蝶蜚鹿失忽驚寤撼撼霜風在庭樹幾時筆力
跨乃父與汝相忘不關慮

題胡處士猿麋圖

畫工神品今代無神嶽一脈傳醉胡幾年傲晚不落筆乘
興掃出赤縣圖今君所寶亦第一我疑神遇非有筆青林
紅葉晚未暝遙山遠水秋一色五猿踞石相因依兩猿掛
樹松枝低仰睇側顧麋善疑其二行齒如不知昔人畫馬
師廐馬畫山直付居山者野猿不馴麋易驚邈影渠能寫
閒暇草露空荒遠刀机即今放麈誰氏子山蜂負毒不足
憐盍貸蠟蛸畱報喜

布穀吟

人以布穀爲催耕其聲曰脫了潑袴准農傳
其言云郭嫂打婆浙入解云一百八箇鳥何

江湖長翁詩鈔

十四

或人事人以意測之是非皆不同爲作此

潑袴不容脫鳥語徒慙勤輸租質農器有袴那解新官中
催科吏如虎告時趣耕爾能許卽今春種未入田安得縣
胥知愧汝卑棲俛啄良易謀聒聒疆任田家憂啼時未旦
夜不休班班血痕銜口頭人將近似測禽語汝意真解憂
農不或傳悍妻天所怒姑不可撾渠不顧罰爲此鳥聲曩
愆警世母爲郭家婦南方諛佛古到今人持數珠家枕音
區區說似一百八譏訶勸相知何心浙風淮俗隔江水意
解禽言乃如此蘇黃妙句誰嗣之兩地流傳併須紀世間
儒墨紛相攻巨細彼此臧穀同爭如痛飲卧長晝付渠馬
耳謝東風

壑山叟

雜木漫山誰所種居不臨流多不用九月霜風捲黃落羣
山一夕皆班駁遙看拖帔橫祿衣農家刈粟山有畦家家
墾田日嫌窄荒林翳薈惜虛擲斷荒作熟不掛籥輸官之
餘給衣食州中之政常近厚不欲屑屑校升斗寧其葉之
聽民取實亦藉是作康阜繼承不皆惠慈守汝須彌縫吏
胥口防有後來規稅畝

竹米行

竹君亢宗擅楚墟一一脩聳山澤臞風流秀整與世殊楚
俗食息皆爾須薪之籬之且籩篠筭筥箱筐籊籃筱溝瓦
厥祖羨其雜隨索斯獲掇諸塗今歲麥秋早歲餘得麥僅
足償官租竹君憫農如士夫著花結實千林俱密砌玉粒
綴旒珠林林擷取雖鎔銖爾頃亘畝無閑株磴磨蒸炊勝
雕葫鄰里乞索水火如坐令輟蹙興歌呼野叟好事能分
吾香清而冽甘而腴此君行能不一書此惠及物旋就枯
摩頂放踵忘其軀所學無乃墨者徒老子苟祿天之隅袖
手無策蘇婢孤投七三嘆吾慙渠

田家歎

五月初四月尾菖蒲葉長棟花紫淮鄉農事不勝忙日
落在田見星起前之不雨甫再旬秧疇已欲生龜紋近者
連朝雨如注麥隴橫雲欲殷腐如今麥枯秧失移舉手仰
天禱其私秧惡久晴雨害麥兼收並得寧庶幾餅托登盤
米藏庾儂家歲寒無重糶豈知送日戴朝星凡幾憂晴幾
憂雨吾儕一飽信關天下筋敢忘田家苦

春雨寒甚作長句

白龍天飛宜莫測吳儂解數歸消息年年青帝發生時如
如園林春動色西山龍母誕彌月歸觀親顏供子職壽觴
瓊醴俗共傳玉鱗素髻誰所覲酸風鼓寒苦霧塞行人縮
頭欲僵立蛟龍凍蟄大木拔更問嬌紅并眉白閉門三夜
滌簷雨起視溪流高數尺去年夏秋走祈崇雲電收藏日
血赤儂家倚鋤望眼穿白汗呀流地龜拆天可問曷不遣
兩龍此時會生日

謝韓幹送絲糕

玉顆瑩澈珠就碾吳鄉早航莫計過無乃風露秀結異移
種崑崙之木禾國家厨婦一百技三春九浙付重羅銀絲
千尋忽縈積中疎外潔生搓援扶桑仙蠶大如盜線之本
供織女梭悅驚萬啄鬪新巧習作水茸雪網窠卽今擬形

江湖長翁詩鈔

十六

供食事纖手幻出千綯多倒甌入筯第三絕色香兼味皆
可歌周官賓祭珍餼餌有此復具理則那詩翁物色及炬
粳得此來前當見訶鱸盤漫詫金縷飮湯餅徒夸銀線窩
瓊酥玉膩信非匹胡麻崖蜜仍相和感君汎愛記衰朽回
首一笑分餘波腐儒口實長作累饑饉之名定不磨金山
別去每掛夢老眼復見還雙摩婪酣得飽問便腹如汝平
生相負何更從公子乞方法日當餽之老澗躡買田二頃
不種秫未怕酒客來操戈

識村翁語

勸耕淨居村翁老而健問其壽云山居淡

郎中史丞相呼而致敬厚談而歸卽逝二人壽未
必止此厚味非野人所襲也共言有契予心作此
記之

山僧一生屨山菽溪叟所仰纔魚菽闔宇侯家與相家珍

靡不應填汝腹百二歲翁清且羸茵坐鼎食寧其宜焉知
暫飽博長往穀神震怒脾媪悲官家顆粒皆民力此祿食
之須此骨兩翁妄食壽弗延當念無功暴天物我雖不偶
猶餐錢車行肉飽隸後先食功揣已懼不稱因翁有言呼
使前盤几畢識翁所言

繁昌縣感舊

繁昌古縣依山麓縣外峰巒更重復連山斷處圍平陸有
地可耕無十六昔我作尉三年畱局促似爲山所囚野行
村宿飯古寺山路纔悉如吾州車如鷄栖馬如狗風袂塵
襟博升斗是時身健髮熟班頗復興懷爲奔走遠近人家
山影濃與我周旋圖畫中山鳥翔集相和應野花開謝能
白紅薄宦而今更長道回頭祇覺當時好筋骸罷憊壽摧

顏不歎飄零歎吾老

江湖長翁詩鈔

十七

出郭

寒食日遇使車初甚惓惓郊外春色慰人戲成

江縣居人寒食下少在縣中多在野哭聲不似笑聲長麗
服新粧盡遊者長郊芳草接天綠我亦行行策罷馬盍簪
命醉豈不懷卑官出入元無假偶來却勝特來好觸處春
光可圖畫幾日陰寒風用壯今朝霽景天所借趁人胡蝶
作團蜚逐婦鳴鳩數聲罷夭桃艷杏雖已過郁李金沙猶
未謝其餘紅白爭姘媁醉態啼粧各蕭灑颯風笑露瀝亞
語半吐梨花最閑雅游人幾許健倒去紅粉誰家短牆亞
良辰獨醒還自惜捐佩一樽猶可貴餅盤餽飭已寒盟故
人應問花應訝對春長作了事癡不念清權本無價會當
從公謝不敏百罰澆杯不辭把魏花有約待人歸秉燭酬

春期後夜

望夫山

亭亭碧山椒，依約疑黛立。何年蕩子婦，登此望行役。君行斷音信，妾恨無終極。堅誠不磨滅，化作山上石。煙悲復雲慘，髣髴見精魄。野花徒自好，江月爲誰白。亦知江南與江北，紅樓無處無傾國。妾身爲石良不惜，君心爲石那可得。

檢早宿香雲

香雲之山瞰平楚，松篁路窮得僧宇。明窗淡室皆巖覩，白菊紅渠相媚嫵。它日欲來坐必廼，此行忽忽寧得所。蒲團憇定飯秋蔬，衣袂黃塵尚如許。山僧共話豈須禪，但愛茶甌如潑乳。投牀有夢不能記，忽聽風林如過雨。鷄聲不二擁被溫，又恐罷駿陵險阻。出門便覺仙凡隔，猶聞宰堵風。

江湖長翁詩鈔

十八

鈴語今年早曠遂，無年枵腹額天連。保伍頗能念我，困馳驅兩兩致詞相勞苦。但使秋租毋病汝，吾自卑官慣塵土。

謝朱宰借船

宰爲蕪湖子官繁昌

書生祿邀空，自憐三年官滿囊。無錢身如絆驥心千里，安得一舸西風前。令君磊落濟川手，留滯亦憐窮獨叟。大舟百尺影白虹，借我搬家我何有。函牛之鼎著鷄肋，涓滴渠須瓢五石。劣薄兩席寘圖書，鞶石囊沙壓搖兀。典衣買酒餉三老，槌鼓鳴鑼人看好。相過重讀借船帖，我自盧胡君絕倒。

白繁昌歸先經于湖

田家謠

麥上場蠶出筐，此時祇有田家忙。半月天晴一夜雨，前日麥地皆青秧。陰晴隨意古難得，婦後夫先各努力。倏涼驟

暖繭易蛾大婦絡絲中婦織中婦輟閑事鉛華不比大婦
能憂家飯熟何曾趁時喫辛苦僅得蠶事畢小婦初嫁當
少寬令伴阿姑頑房謂婿為頑過日明年願得如今年剩貯二
麥饒絲綿小婦莫辭擔上肩却放大婦當姑前

徐南卿招飯

徐郎陋巷四立壁乘間亦戒賓友食慈親衰鬢不俱剪定
賣春衣典書冊念君治具良騷騷與渠侵早來得得小樓
十客不餘地猶勝陶翁劣容膝江西米漿絲作窩吳國香
秬玉為粒嗣宗阿戎各好士笑頡羨鄙仍婦德老子旅寓
得此飽勃鬱詩情喙三尺出門未妨雨塾中萬展聲中緩
歸策

再次韻

江湖長翁詩鈔

十九

東隣客來每堅壁西鄰客來常蓐食旅中一飽豈細故借
舉大事書之冊末路孜孜食眠計外此敢忘戒在得蘇端
向我顏色好衝雨不辭泥沒膝居貧願禁惡客惱念子秤
薪仍數粒肺可用禴米可餅併付儷僅飽君德人謂裁詩
等裁錦拙婦渠能把刀尺陶翁冥報苦未賡搜攪肝腸閑
倚策

再次韻

白晝曲肱睨東壁鷓鴣斯空復賊糧食晚途白笑視生埃少
日頗常韋串冊生世恐隨草木腐忍使功言兩無得長安
寧無翁絕者自宜有鐵關腰膝樂天任運時近酒子房逃
榮猶却粒求窮我者迄未知夫此誰怨夫誰德擬訪鶯花
豁襟抱門外雨餘泥一尺山陰不待興盡回掠面東風寒

策策

戲作

飲食小過不佳趙帥留

飲食止酒因成古詩

書生稟賦紙樣薄平日扶衰惟粥藥一日飲濕小啗肥河
魚數日煩醫治佳辰府公約把酒巖斤厨丁預節口借問
王賓醱醉餘還許公榮袖手無厚味腊毒古不子如作病
何仍古語生世例非金石堅支離如我更可憐饒嗆動使
諸病入冷坐亦復百憂集彭殤瘠肥本自齊此理祇許蒙
莊知飭下萬錢無足取厨薦三韭徒自苦法士語飲應且
憎何如卧客懷中醉不應婪酣任人嗤穀伯何如辟穀高
入師黃石陳遵張竦柄鑿夫何為彼此未可相是非七十
老翁誰能促戒縛此戒醉死病殂吾命在

呈趙帥

訪帥困于腰鋪次日帥聞到招飲

江湖長翁詩鈔

二十

雨行本自貪風便四十里程真劈箭長年攤錢夸半仙一
炊黍頃風頭轉生世快意多所辱葉舟孤壺浪如屋暗樁
觸船船版折船丁籲天船媪哭塗窮儻有哀王孫腰鋪入
家緊閉門丁翁祿邀捕魚者向我顧守顏色溫茅屋新成
容寄宿麻茶初熟仍見分解衣滅燭睡欲死鄉夢醒時雞
喚晨平時晨舖下南浦定向揚州聽更鼓飛廉生憂吾敢
怨薄命若為防市弩今朝河面吹細痕竹樹不聲入駿奔
掣鈴一笑話疇昔便有樂事酬佳辰鎮淮主人開淥樽蕙
蘭香前簫鼓喧一盃為我安驚魂勝談壘壘清耳根向來
憂虞無足言

山居四首

山間有好事時宵問何如束送筋頭蘆鮮分匙面魚披襟

偕我飽攬髮爲君梳一笑塵勞外都無病可祛
忽作斷過訪經旬開瘦筇慵添和詩債病減灌園功石鼎
裏輕碧庭柯零碎紅竹君如見慰竟日嘯窗風
鳥息我亦倦行行取徑微石稜妨錯足藤蔓每鉤衣森木
各天籟連山同夕暉推門吟袖冷滿帶野風歸
涉世慣多還還欣愜此心鷄孫當歲稔竹母值秋陰言配
香旂軼行須綠影淡繼今摩腹去風日更蕭森

香雲寺

山月明空隙庭柯下槁乾沉沉僧夜淨漠漠鴈天寒夢境
愁偏隔詩情老易闌未容辭水厄聊復踞蒲團

圩上

小村山影裏山脚水明沙春事初移柳入家未摘茶生兒

江湖長翁詩鈔

二十一

了門戶饌客有魚鰕笑我塵埃者奔馳易華

丁酉道中暮春

去家如昨日節物轉頭非風處綠自舞雨餘紅頓稀野橋
平水過村路躡花歸趁得餘醪在箏琶拂舊衣

得姪消息

甚喜年穀熟仍聞佳食眠郡人新過此鄉信得真傳社酒
浮蛆淥湖魚割玉鮮平時計安穩莫靳里胥錢

金地寺

側徑崎嶇去飛蘿次第捫山橫欲無地路轉却逢村竹栢
圍荒寺莓苔上繚垣殘僧不知客芋火老雲根

陪盱眙王使君東遊四首

錦席浮波影牙檣轉霧霏飛花窺碧酒舞蝶飭紅衣野日

歌前淡雲峰望處微游魚應與葉啼鳥莫催歸
纜解鷗飛處船移柳影中林廬桃李月浦激蕙蘭風酒淺
能無醉歌長惜有終賦詩聊泚筆寓意未須工
紅旗圍皂蓋離迴碧山隅水色涵雲樹賓筵著畫圖香溫
金鑿落花亞錦屠蘇醉裏銀絲鱸漁舟不待呼
風林山闕處茅舍兩三家小駐回鶻隊重尋粟玉花疎煙
橫暖靄碧溜漱晴沙野興未渠盡數峰明晚霞

都梁

淮汴朝宗地孤埤只眼前譙樓西日淡戍鼓北風傳破竹
非無計澆瓜亦自賢客愁渾幾許撫劒倚吳天
天外纖雲盡山嶺望眼遙平淮剪綠野白塔界晴霄客裏
風光異吟邊物象驕功名它日事回首興蕭條

江湖長翁詩鈔

二十二

關塞淒涼處青徐指顧邊如何漢正朔不盡禹山川將略
輕三捷天威重萬全諸公不愒日老子判留年
路惡惟沙磧山回忽市鄜樓臺明晚照花竹曠寒煙生事
知無警懽聲驗有年猶嫌武陵遇不載割淮鮮
犬吠蔥青裏人家竹徑淺短籬循石澗老屋枕煙岑牛瘠
知春事鳩啼認晏陰豐年易爲客五酒慰幽尋
年年漢臣節春鴈與同歸番俗尊華服皇家後武威市中
斜髡賤水外拂廬稀南北皆生息和戎果是非

雨後病起

小卧竹間齋幽懷得好開病從涼後減雨及望時來兩屨
山千疊諸雛飯一杯吾生計此耳無夢到燕臺

客中

多夜淮瀨夢言歸未有期愁禁客舍雨寒過杏花時酒廢
無何飲春如不自持若爲刊九轉能黑鏡中絲

次瓜州

雲暄平山塔煙明老漚城客行判費日舟泊細論程開水
清兼濁潮天雨復晴未須歸有夢午枕愜涼生

贈趙秀才

袞袞紅塵去扁舟得挽回半生障日手一笑沃愁杯應俗
吾衰矣論文字壯哉明年日邊信滿冀好懷開

定海

齒髮今如此東來料一寒愛民平日事宰縣昔人難稍得
官租辦聊容坐席安渠儂趨負輓疑未厭兒寬

官廨鹽煙外居人雜賈胡聽言須畫字討海倚輪租習俗

江湖長翁詩鈔

二十三

何妨陋鮮肥頗不無已甘三載住疇昔計乘浮

聞師文過錢塘

九堰三江外歆悅側施瀕海鮮常入筯雨鵲定隨人椒酒
須分歲江梅巧借春團藥多樂事未沫物華新

官居

官居不惜日宰縣動三年忍事腸欲爛爲防頭救燃不應
一飽計長受衆人憐俛仰堪供笑人間海易田

送學生歸赴秋試因省別業

年事真無賴官曹已憚煩兒堪付門戶吾粗有田園遊舊
因相問襟懷爲細論此心歸隱計日日受風幡

食口幾鵝鴈田收問粟麻子美力難及黍稷得種菜與麻寧堪再攬減淮

謂歲飢爲年歲攬減又抱雨嘔鴉越人以嬰種菜與麻寧堪再攬減人

餘終慙陶靖節歸不計生涯

高頭山

小駐綠雲脚居然睡眼醒楚田衙樹澗漢水挾山青踈蹊
初忘倦嶮巖已飽經川原方啖蔗不擬嘆漂零

無題

薄宦受風梗還家歸岫雲行人與喬木老色竟平分末路
慙周朴窮交有墨君看渠緩若若干騎詫鄉粉

書懷

俛仰人間世纔為一笑資百年羊脚熟萬事虎頭癡文字
聊遮眼功名浪孕頤浮生如此爾况復病餘衰

次韻楊宰次郎裝

特予亦留西鄉因述懷

信次尚村落食眠隨曉晡山瓶餘獲倒村人以野釀名獲倒僧字謁

江湖長翁詩鈔

二十四

伊蒲笑挾兔園策問收魚澳租前灘起漚鷺為我作前驅

次韻楊宰葫蘆格

生常信流坎老不歎漂零雪後菊未死雨餘山更青仍煩
析塵語遠寄打包僧政績隨詩價多君日日增

次韻張守塗中逢節

向子房州之行亦舟中作歲節

塗中歲道盡江影暮澄凝栢酒惟宗武河梁似李陵問津
田叟傲挾旄長年能繫纜纒沙背人家已上燈

次宿北阿韻

聞道藍輿去遙岡復近阿詩應吊孝逸碑或贊頭隨靜者
官糊口公朝禮作羅憐君日阡陌塵土撲陰何

北阿李孝逸敬李敬

業處

即事

側徑苔竹潤短籬鷄鶩喧小停障日手聊憩卧雲村綠影
烏皮几新醅老瓦盆平生農圃計重與野人論

再用韻寄丁知縣

南樓酌酒未分襟啁鵲啼鳥亦好音晴日倒紅生笑頰煙
梧搖綠漲盃心可堪歲月供行色盡把江山博醉吟不繼
蕪湖畱十日焦峰浮玉恣幽尋

丁爲蕪湖舊畱子必以十日爲約

念衰

心意彫殘底自娛每臨清鏡笑頭顱詩從多病難爲好官
過中年劣勝無急景驅秋著髭鬢歸鴻銜夢下江湖更應
載酒高陽伴誤輟歌呼話故吾

閑適

丁年故紙枉埋頭老去時名底用求得句蓋嘗身被謫屏

江湖長翁詩鈔

二十五

書姑免眼爲仇關門工作橐駝坐閱世已冥鵬鷗遊槁木
山麋真適適從來里舍議家丘

次韻蘇監倉二首

時蘇兼主邑學

交朋又得一相如高掩虞郎行秘書妙論析微驚我倒諸
生到眼可人無一官幸此分鄰燭五字渠能攬虎鬚快讀
清篇病如掃北軒風竹對森疎
長日奔馳傳置加久妨遊論與抄書逢人爭席有時有疥
壁詩詩無處無禦寇求韻對行遊論文常憶攬桓鬚扁舟
再有東游便宥向朋從自作疎

縣西

一徑斜穿犖确行身閑尤覺馬蹄輕坡頭嘉樹千幢立煙
際長江匹練橫茶鼓適敲靈鷲院夕陽欲壓楮圻城一春

簿領沉迷裏野鳥山花眼最明

寄幼度主簿

辭家暑雨濺紅渠轉首薜花已雪如歲月祇隨流水逝笑
談陡與故人疎簡書我正罷長道歸棹君行指舊居他日
霜風吹夢破空從旅鴈覓來書

七夕

龍旌鳳扇一相迎知費青禽幾寄聲天上經年纔舊約人
間轉盼便淩更涼河只向樽前落微月偏來酒面明後夜
玉琴彈別鶴獨應乾鵲夢魂驚

復程平叔

早歲雄文手自編偶同聞喜聽鈞天漫爲官去吾何取宵
寄詩來子定賢潘岳自憐頭易白士安况苦病相纏羨君

江湖長翁詩鈔

二十六

身健須如漆萬里亨衢懸著鞭

夏夜飲客

矻矻官曹興易窮得閑何惜一樽同傷愁邊到無惡客從
竹間來皆好風勝日詩狂輸酒聖轉頭渭北復江東雕鞍
未作扶攜去更放蘭釭子夜紅

寄陳居仁

尚記誅茅柳外隄水光搖霧潤窗扉柔間曾是僧三宿海
上能忘鶴一歸野店樽醪醅脚醜比鄰雞鶩犒頭肥解顏
一醉平生事更向行藏計是非

贈仲國美

前年春國美亦留夜飲云

三閱春光一建瓴依然歸棹泊危亭烏迎客子各頭白柳
學故人俱眼青曾是縱譚僵婢僕又成豪飲卧壘瓶明朝

小話前溪別分付溪風管醉醒

贈趙秀才

平生心事釣漁舟解后青衫映白頭
竄爲功名戲雕虎不
雷顏面對沙鷗露溥青蓋高荷曉風約黃陂小麥秋入眼
斜川歸趣好此身何處不菟裘

京口呈張閣學

歸懷未用詔南園卧治于今又北門
但息兒啼竟上意小
稽霆擊取中原虎頭鏡視非無種
劄子當觴且勿喧更恐
譚公家事斷無宜勸定驚魂

時近北客故云

約二同年遊虎丘

兼旬閉戶耐寒威起視晴空碧四圍
黃鳥啼邊忽遊子白
龍去後漸單衣年時尚記尋芳約
老境仍憐得醉希紅影

江湖長翁詩鈔

二十七

幽香虎丘路杖藜攜酒莫相違

次韻張丞二首

夫君腹笥盡奇謀每叩談鋒聽不休
誦賦久嗟無此作薦
賢端合拔其尤小遲築路觀掀越
聊爲同寮蓋謬悠政恐
諸公有推挽平時果藝仰由求
槁梧閑據自沉吟投老真成負此心
酒沃渴鯨悲事往官
隨跛鼈笑吾今進爲終愧周人朴
歸去曾無陸子金尚賴
君詩慰牢落時清聾贖發純音

卽事

江漾晨光入縣門樓斜晚影到漁村
海聲不爲無風靜山
色居常帶霧昏問俗卽今防愒日來時
撫事錯銷魂浮生
寄寓君恩重未覺天涯異故園

勞農淨居贈皎啓二僧

勞農今喜復南轅夾道扶攜亦笑誼縣尹庶幾無疾病山
人迎送耐煩煩芼葱湯餅聊堪飽出瓮春醪半帶渾惟有
爲民真實意異時陳迹付公言

九日登樓

海上重陽率多風雨邑寄罷飲作

縣曹逢節猶忙迫陰雨乘秋每接連九日歡娛異前日幾
年晴霽有今年湖山入座褰珠箔莖菊接香薦玉船唱委
西風判一醉故人應未笑華顛

再次韻謝張守得新居

得巢歸翼愜甲樓尚卷風茅落凍泥病樹綠階旋培植舊
書堆案細籤題地非新野聊龍卧人似東屯賸客迷身世
只今供冷笑百川東注月行西

江湖長翁詩鈔

二十八

對客再次韻

客來一笑同鄉味便粉秋菰刷藕泥糟滷子薑仍舊法籠
臠乾笋儼新題白魚紫鱗空濡沫寤兔驚麋想鴉迷自揣
臞儒合蔬糲放麀終恐愧巴西

自適

渺滂湖天入短蓬心期祇許白鷗同人言火食園蓬客自
命官身田舍翁酒可銷閑時得醉詩憑寫意不求工更那
長日溫書眼一送蜚鴻下遠空

雲水爲家百累無意行從昔畧方隅飲忘醒醉狂常爾夢
到無何午未蘇遺俗可辭翻轍錯付渠陰作負舟趨謫謫
禮法工相晤閉戶仍防大小儒

登平山堂

平山堂上命琴樽前輩風流宜見分戀客嬾斜當檻日藏
山不斷隔江雲吟牋得意窺天巧醉而禁涼減纈紋杖策
歸來新月上落梅如雪點風濤

春日客中

平時謾說醉爲鄉對景今如石作腸老去猶興客中歎春
來剛制酒邊狂露桃煙柳爲誰好蜂蜜燕泥徒自忙紅紫
打圍歌笑地暮年多感怕思量

山行寄程帥

雨餘支徑濕平沙恰稱卑官下澤車雜樹暝煙森立梁亂
峰迎客儼排衙水禽時弄翻僊影野草爭開細碎花久憶
山行此如願不應回首更思家

次日再次韻

江湖長翁鈔

二十九

鷗雙鷺隻傍汀沙却匯沙汀過客車清吹解撩叢竹嘯高
山如受衆峰衙寒生碧澗懸魚網潤著蒼崖賸土花所惜
隔牆紅紫滿行行無暇訪山家

復次韻寄程帥二首

節物匆匆可挽追直須樂事趁芳時行春倏喜花圍屋借
景何殊月在池

南昌當官借景未妨
民恰似繫池取明月

舫却笑木腸兒山家有約須重到定放遊人張水嬉

人家襖被競攀追刺史春遊正此時羯鼓聲中花作錦壺
籌多處酒爲池絕須絲竹娛安石賸有篇章付雪兒聞道
續貂容下客老無佳句坐荒墟

騎過山村

煙村面勢枕蒼山一徑循山作角蟠入望高幢羅翠密掛

空匹練噴清寒吟髭撚白迎風去柱而駢紅倚戶看頗似
騎驢后山老倩誰粉墨灑毫端

寄鄉中親友

棋酒游從歎離羣酒牀吟筆漫飛塵湖乎可奈才力老甫
也尚爲南北人安信不隨秋鴈到流年倏復野梅新南岡
北阜憑高地引首吳天幾愴神

再用前韻贈高司理

吾宗如此况他揚碌碌諸雛欠宥堂薄宦幽憂殊未醒故
園歸夢可勝長盃盤頓頓家雞嫩翁媪嗚嗚社酒香猶記
比鄰笑行客夏畦龍斷爲金章

上巳溪上燕

杜若洲邊草旆旌佳晨一醉萬金輕春光僅有一分在天

江湖長翁詩鈔

三十

氣可能三日晴解道蘭亭亦陳迹宵吟楚些愴幽情人生
到處皆兒戲笑看爭標鬪兩鯨

再次韻荅許節推

新釀開缸滌蟻浮舊辭仍缺唾壺謳宦途要處難插手詩
社叢中常引頭倒載宵陪山簡醉反關莫厭孟公畱秋田
粗可供佳客不比封君亦素侯

書懷

人間窮達命污隆作意功名欲捕風但見劉班誤車子何
曾鄧禹笑王融官曹得飽餘何事書課乘閑亦雋功少待
尊鱸付張翰一溪風月放船蓬

再次韻謝高幾宜惠詩

小家茨竹卽爲堂暇訪溪林索豫章平日牀頭但周易看

人筆落便靈光庫隆賦質嗟多樣良楛論材要當行莫向
黔婁問奇貨長沙舞袖可能長

歸歎老秋

已辨求田問舍謀登臨那復更悲秋蟹肥與客爭先把稻
熟催兒徹晚收霜後峰巒添峭措波間鷗鷺劇風流寰中
勝處天應惜付與癡兒祗暗投

宿何人家

步尋松篠欵谿衙忽到孤山處士家十項蒼鱗漾墻角一
鉤寒玉插簷牙杯行不_足紅絲繪飯了仍供白露芽把臂
傾舒吾已怯又分離緒上歸棹

凌晨張司戶惠詩次韻

小駐江干接雋遊滑清涇濁可同流假真笑我陳驚坐造

江湖長翁詩鈔

三十一

妙推君趙倚樓姓字已高時輩上功名尤忌鬢毛秋等閑

莫學金華伯碧水如天擬夢鷗

山谷詩夢作白鷗去江南水如天

仕途決矣息交遊姑向林泉訪勝流短褐直甘乘下澤異
鄉終勝賦登樓驚心夢境檀槐戰屈指鄉園秫稻秋雉翳
龜焦緣有用未聞金彈中沙鷗

西林訪銘師

師顏能詩

天將宿雨淨春空却著湖山鼓吹中載酒言辭藉花伴運
斤來看斲泥工前身師定參寥子拙宦吾今張長公俛首
人間皆長物未妨分饗北窗風

夜宿商卿家

復用過字韻

菴蒲無警南塘靜款歲村區鼓罷撾更喜良宵共譚塵幾
宿親手剪燈花酌無多酒仍餘味嬾不吟詩政自嘉蝶夢

蓮蓬纔一霎鄰鷄啼罷又啼鷄

晚飯商卿家

用前韻

我似長松久卧沙迄今諫鼓夢猶搥倚消愁斛人如玉欲
近書籤眼有花投老無庸尚強聒過君每宥具柔嘉焚酎
得飽行摩腹不省饑號有暮鴟

重九山陽儀真兩使君送酒

酒會文期興尚濃佳辰一笑坐天窮兩州各遣六從事九
日俄成一病翁詩不受催空急雨帽無緣落任西風明朝
晴徑通行屐却漫杖筇遠菊叢

次韻高賓王見投

殘年病眼苦眇昏盡屏甘腴普綠樽龍樹難逢刮膜手孟
公顧有獨醒孫頗煩十吏供揮掃無奈諸峰役夢魂友義

江湖長翁詩鈔

三十二

惟公記衰疾新編宥到雀羅門

病念還家可奈愁客中日月急梭投土花暈壁迎梅雨海
燕將雛送麥秋霑袖正憐珠隕墜關門能復玉爲舟措頭
閣藤高春卧黃妳青奴共此樓

再次韻自詠簡賓王二首

魚辟清澄鳥愛昏陶翁歸計酒盈樽山田雨足鳩呼子籬
援春淡竹有孫百首旋編新賦詠三生猶憶舊精魂小摩
他日紅塵眼閑送蜚雲過海門

庾郎胸次枉堆愁馮衍才名迄不投歸去來兮歲華晚未
如何矣鬢毛秋令感心事千年鶴張翰生涯一葉舟回首
月堂金谷夢却憐海蜃結飛樓

次張學錄韻

燒香爲后山展像拜太虛誰能作九原候蟲弔寒墟
臙鴨久欲忘食蛙近亦稍人言淮浙殊得飽不汝較
再次贈張學錄韻

李蔡下中爾萬日指騫騰何蕃頭欲白秋窗耿青燈
張子攜詩來危坐撥芋火三問笑不對政恐非助我

次韻錢倅諸公睡香花

釣窗玩孤芳殘月衣上明紫囊折蘭躡小風弄初晴

泊上虞驛來日行

梁湖莽蒼外後去未云遲縣市容吾戀江湖不汝期

早夏

安石榴花猩血鮮涼荷高葉碧田田鱗魚入市河豚罷已
破江南打麥天

江湖長翁詩鈔

三十二

滿地榆錢未掃除晝簷忽復燕將雛風窗夢破搔頭坐重
課兒時讀了書

題趙秀才壁

日日危亭凭曲欄幾山蒼翠擁煙鬟連朝策馬衝雲去盡
是亭中望處山

謝雨知縣送鵝酒羊麵

僧樣齋厨永樣官饑憑脫粟食無單不因同里兼同姓宥
念先生苜蓿盤

次雨知縣韻

老去棲遲八品官劔頤淡悔訪田單東鄰未省吟髭斷笑
擲牙牌命肉盤

寓吳門

張監番居平江率趙守袁憲月助桂玉費作

溪翁園客問何如可許浮生百計疎不憚典衣覓得酒長
因乞米術能書

與爾猛輟凌江棹重看鶯花茂苑春歸自乘流畱亦好浙
風淮俗總宜人

紹熙壬子勸耕妙勝

柔條麥隴接比鄰社酒家炊丐路人風俗尚如它日否憑
誰細問故園春

定海甲寅口號七首

長官清苦舊傳聞檢放禾苗近四分畢竟不緣胥吏手旱
頭科斂枉紛紛

田租有約不相違比着豐年數已虧一飽分明郎首賜幾
曾刺口問抽甲

江湖長翁詩鈔

三十四

已抄口數報隅官歲後朝餉定不難且願眼前彊健在趣
坊討海過冬寒

水泛溝塍意欲饜凌晨還復雨廉纖早袂未領切其感猶須
補晚穀無多不更堪直廉切

父子分頭上海船今年海熟勝常年官中可但追呼少不
質田輸折米錢

人家兩兩捉春歸笑語相過復嘆咨共說颺頭前夜作幾
入莆網罟流尸

連宵飛雨喜滂流已入梅天過麥秋二十年前如此免金
城地抱却全收

謝張德恭送糟蚶德恭師文友也

壓倒淤泥白蓮藕半指介甲露穠纖玉川水厄那知此急

其薑蔥喚阿添

慶元冬再到盱眙

虎頭山下參天柳親見栽時共我長柳自摧殘人自老半
生不抵熟黃梁

日行竿礪面辱顏舊慣山居意易闌見說煙雲冥嶠北
人爭指畫圖看

閑居

營隙地頗事栽種隨遇作一詩前後不同故無
論次

雪雲脫壞漏朝陽風物橫前引興長紅糝紫蕤今次第遷
鶯來燕費商量

種桃接李不辭勤旋作花前把酒人羨殺文禽映花語飛
來趁得見成春

春來敢自貸衰慵正要檀欒聞白紅愛竹少雷枝策徑灌

江湖長翁詩鈔

三十五

花分破著書功

步屨歸來未覺勞迎門喧笑問兒曹笑翁渾似魚千里小
圃周圍日幾遭

客夜不寐

陣鴻輭轆上雲衢夢欲成時每破除少睡更堪寒夜永新
來熟遍少時書

江行

帆桅飛去劃空明人倚東風兩翼生世事快人如此否日
斜三百不留行

到房交代

簷外浮嵐暝翠堆道人親眼爲渠開食錢官簿何須計直

爲南山亦合來

復次韻

昔上瞿塘豔預堆盤渴如井放船開山行歡喜今非錯備
見稍瀆擊漩來地有錯歡喜山

十里髻鬟誰縮結半天蒼翠自嶙峋教兒莫憚依山住潤
領裁衣盡土人

題驛舍

客到淮鄉話楚鄉長將天末指襄陽如今漂泊君休問又
過襄陽十舍彊

房陵十首

似聞僊伯厭乘龍常混紅塵市井中觀而未須起避我褰
衣無計取籌公房人謂巧避云起避力尋為取尋起七靴反取音散
陰晴未敢捲簾看苦霧濛濛鼻為酸政使病餘剛制酒一

江湖長翁詩鈔

三十六

孟要敵滂朝寒

晨起霧久乃開土人目曰滂朝

祠壇歌舞雜嗟吁下酉猶濡上酉枯誰謂朝來一折雨歡
聲已覺涕通衢滂水漚曰酉得雨曰一折雨

竹屋高低正復斜蔚藍影裏著人家底消山峽三分瘴爭
課廬全七椀茶土人晨飲茶云勝山嵐氣又曰房三分瘴

夏田少雨富來年多雨何妨穡事秋已戒日供皮子麵更
教晚稻飽霜收麵皆麥不瘳者曰皮子麵稻待霜乃收口飽霜米

跨牛待得夕陽回在處諸嫗笑口開已借蠟錢輸麥稅免
教緝捕闖門來弓手下鄉日以緝捕

杯酒清濃肉更肥咸言趁社極歡嬉丁寧向去坐年日要
似如今斂脯時年日飲食曰坐年社日斂脯

農閒闔里有逢迎白飲傍邊骨在羹老稚不妨頑過日邊

頭難得是升平

俗謂戲曰頑莫曰骨在

刈罷秋禾未敢慵

更須趁逐過殘冬城中竹筴今年貴鹽

茗新來免闕供

賣枯竹供爨曰竹筴古巧反

翁媪同圍老瓦盆

倒蕩新酒雜清渾 梔南梔北皆春社日

放鳥健卧晏溫

村落所聚曰梔

春寒

掃雪堦頭曉未乾
東風作惡鼻仍酸
西園點檢江梅後
祇有櫻桃不避寒

稍稍春光到眼中
衝寒試與小檣
筇杏花已尾
櫻花拆正
要淡紅間淡紅

清明寒食經旬是
笑問風寒更幾餘
小杏惜香春恰恰
新楊弄影午疎疎

。江湖長翁詩鈔

三十七

平明欲斂雲復厚
薄晚未休風更顛
老怯春寒不宜出
下帷添火擁書眠

不寐二首

改變年來所著書
依然幽夢隔華胥
寒更何與衰翁事
數到爭從殺點餘

追思可樂是丁年
日力孳孳有食眠
頭觸屏風祇燈後
慈親笑勸掩陳編

寄張守仲思

一思交好一悲悽
楚嶠吳山夢到迷
怕說萬山天樣遠
房陵更在萬山西

四月望再遊西湖

春光陸續委東流
看到湖邊安石榴
更與蘇堤漚鷲約
辦

舟來賞牡丹秋 俗曰芙蓉秋牡丹


吟詩自笑

文字光騰萬丈長
錦官老杜豫章黃
投荒忍死經人解
討飯充腸上岳陽

南昌詩云我雖窮至骨猶勝杜陵老憶昔一飯從人討

江湖長翁詩鈔

三十八



河漢開

文字光騰萬丈長

錦官老杜

豫章黃

投荒忍死經人解
討飯充腸上岳陽

雲集詩鈔

沈遼字睿遠以兄遺任入官爲審官西院主簿出監明
州市舶司遷太常奏禮郎改杭州軍資庫押華亭縣事
奪官徙永州元豐八年二月卒於池州遼畜聲伎几研
間陶瓦金銅物皆數閱數百年遠者溢出周秦王介甫
贈以詩云風流謝安石瀟洒陶淵明其子雱亦有詩云
前日覽佳作淵明知不及徙秋浦築室齊山名之曰
雲集一洗年少之習從事禪悅蘇子瞻嘗語人曰睿遠
末路蹭蹬使人耿耿求此才韻豈易得哉余閱其詩間
出入俗調佳者亦生硬排翫不知何以諸公見賞之如
是也悉爲汰去庶諸公不爲失言耳

寄陸九

雲集詩鈔

賀老湖邊春水生野陽浮動北風輕天邊重關歌筦響鑑
裏綵舟金翠明大抵盛時須着意要知吾輩未忘情君如
彥道能懷帽便逐輕帆作此行

寄才仲

陶令在彭澤放懷天壤間橫江三百里往往向廬山多尋
簡寂醉時訪遠公閑不復顧吏迹世人指爲頑公子負文
革少年成青綸風流不屑俗爲邑得星灣節節香爐峰據
案見蒼顏何勞事舟楫緩步可躋攀形骸付物外勿使人
事闌巖壑高世人有誰偕往還新篇定盈軸佳句不可刪
南風儻垂寄誠足慰衰孱

贈礪翁龍尾硯

龍尾山盤八十里龍尾有潭下無底秋月亭亭潭氣黑其

中有石色如墨山川秀氣散不爲風雲頑不爲砂礫融結
至寶有物主水上經營無處所經年始獲不敢賈我昔游
江南有客遺我誇龍子吾知龍能變化是或不可制追琢
爲巨硯大筆揮離騷中圓體天形外方作地象精光熠燿
角生浪熟視乃有紺羅文瑩潤無與比玩愛何可論我今
樗散無所事特贈華陽鴻筆麗藻人吾聞蜀都多學士眞
諸文府爲戰具君如窮經遂絕筆請與大軸傳後嗣

春日行

宮梅撲地白氈班細柳結煙金縷繁春華年年來不已人
生七時半衰殘少時豪放猶不敵何況羈棲落荆蠻囊中
琵琶金鳳閣古曲情深屬誰彈病目矇矓對荒山東風有
意爲掩關棄置萬事一夢還江湖水生愁夜寒

雲東詩鈔

二

甲辰年五月十五日夜豐陽觀月

少年悵不樂明月何爲哉揚眉一遐賞寂寂更傷懷念昔
吾州樂泛舟湖上來佳賓適所好歡計成金鼎妖歌有送
響度曲清且哀留連夕陽下夜色起山隈光明水晶域素
彩中天開龍香弄微風四顧絕纖埃澄波照上下倒影出
瑤臺紅燭漸向微始知夜漏催美人屢更衣含笑玉山墮
歡樂殊未央鼓柁中洲迴人生無憂患遇樂且銜杯悵余
失交臂萬里來天涯羈愁那無感情慮長如灰神遊忽自
笑安知顧形骸

贈大中鎮國長老

昔從東南來稅駕依金地迎風步峻閣始眺豐陽市蒼茫
煙霧下一水縈如袂落雜連峰精廬遙相峙宅土信羈

客杜門忽彌歲風雲一蕭散身世兩無累懷歸悵有感史
遷念留滯引脰企昔游野馬埋蒼翠何時籃輿去復將老
師住請掃嵩下石爲述空王偈

遊瑞嵩

已恨初年不學僊老來何處更參禪西風搖落歲事晚卧
對高巖看落泉

寄四明神智師

甬水樓頭看盡山南城寺裏扣禪關老師多事猶相記千
里馳書慰病孱

次韻酬明發華宗

長卿倦游欲東還幸與諸公俱出關世事轉頭都委夢人
生何計得長閒殘花爛熳瓢村塲細雨廉纖隔碣山誰寫

雲集詩鈔

三

熙寧十才子老夫亦入畫圖間

出有正元十才子出關圖至今多有傳本

奉陪穎叔賦欽院牡丹

昔年曾到洛城中玉枕金盤淡淺紅行上荆溪溪畔寺愧
將白髮對東風

龜茲舞

龜茲舞龜茲舞始自漢時入樂府世上誰傳此樂名不知
此樂猶傳否黃扉朱郎畫無事美人親尋教坊譜衣冠盡
得畫圖看樂器多因西域取紅綠結綉坐後部長笛短簫
形製古雞婁指鼓舊所識饒貝流蘇分白羽玉顏二女高
髻花孔雀羅衫金畫縷紅氍毹玉帶踏筵出初驚翔鸞下玄
圖中有一人奏羯鼓頭如山兮手如雨其間曲調雜晉楚
歌詞至今傳晉語須臾曲罷立前廡歎息平生未嘗睹清

都閨苑昔有夢寂寞如今在何所我家家住江海涯上國
樂事殊未知玉顏邀我索題詩它時有夢與誰期

寄文翁

白兔觀邊僊路長葦林修竹到南莊比鄰雞犬易過屋適
意琴書動滿牀目斷鶴鴿分漢節心隨鴻雁極天潢欲移
晝舸遙相訪正恐田家五月忙

奉酬舜文卽次原韻

我生無庸如斷絡已分老死填溝壑不能掉舌強附會何
暇論經更穿鑿萊蕪甑做欲生塵玉川婢廬常赤脚世間
要途不易驟身外名韉誰可縛本無道義輕王公亦不悲
傷念流落水鄉夏半不厭熱繞舍新篁尚含籜訟庭勾釘
非吾事吏按煩苛都可却農民漸使安剛畝和氣終須蠲
瘵瘦子羽不肖過我室懸榻何妨卧西閣年來多病亦廢
飲墻下度泥委杯酌舊學迂疎不適時譬如石田何可獲
欲捕大鵬逐方嶠終不勞心事弋繳行當掃烏峰下試
煉金鼎長生藥

雲東詩鈔

四

題楊師壁

年來病勦厭尋山且寄清冷白水間最愛楊師舊茅舍頻
來借榻伴高閑

寄慶復允中

木葉飄蕭已半殷試臨高處望君山野田繚繞來時路晝
舸逍遙數日間坐想故人應見億如今禿髮不勝斑兩州
相望無千里莫惜新篇斷往還

贈清道

少年好書老彌篤牙籤錦囊數百軸江左墨妙世不羈有
唐諸公粗可錄諸公草法無可稱中葉始有張顛名張顛
下筆有神會其妙不似點畫成後來沙門有藏真措意瀟
灑尤更精當時二子最名盛至今學者皆伏膺本朝蘇公
名弟兄汝南蒲陽亦有聲比來諸公已老死其餘卑俗類
可憎我昔乘興遊都城列子示我新素屏始知無擇得此
道長沙道人今復生歸來窮巷拚柴荆惠然相訪得忘形
贈我數行豈無意勢如九河注滄溟中間龍蜃降沒升歎
伏不暇獨可驚自欲何能謝言情欲贈金玉還愧輕慙勤
之揖喜不勝使我區霧老後明

池陽

池南柳色未全黃池北萱芽尚帶霜老去尋春不嫌早春

雲巢詩鈔

五

深留與少年郎

寒煙寂寂鍊青谿圓月亭亭上曲堤小杜風情遙可想閑
調絲竹舞金泥

林平

河邊柳眼澹煙浮臘破春歸一歲休不復昔時羈旅恨離
明還泊北城頭

次韻和宋平

憶昔銜杯折梅處孤山寺前千丈塘橫遮青林關殘雪暗
入紅袖留清香往遊都城雖屢賞縱有素艷終殊芳莫辭
遶林行百匝更嚼嫩蘂薰愁腸

和張寶臣卽元韻

始余倦遊念還家一身泛然寄天涯頭上白髮日益加未

顏不駐爐中砂飄飄逸氣凌紫霞猶着黃綬趨泥沙烈日
謾憑烏帽遮窮巷歸來夕煙斜閉門正欲謝喧譁何憚屋
室多痺窠楊柳欲落鳴飢鷓八月秋風想乘槎市中有金
誰攫孥自欲歸耕老蓄畬嗜好已背梨與棗那復開口增
詼詼眼昏白晝生黑花老悲獨向兒女夸枯轍不能活鱗
鱖騏驥垂耳伏鹽車一官欣得飽魚蝦頓首致謁辭當衙
愚拙不遇何復嗟川陸舊遊殊不遐才渡楊子已聞哇吳
女蓬髻多鬢髮西湖信美謝若耶松竹夾道繁根芽勢利
屈曲如盤螭衛青變化乃龍蛇漢閨召客舞雙鬢撫手相
勸競呀呀西崦老師自煮茶太守陳樂奏淪巴湖水洗面
去塵痂故山自怕留文沙田裏小兒放猪殺爲樂往往鳴
簫笛亦有狐兔但但置令人指手徒爲柳賤職馳使告及

雲東詩鈔

六

瓜聿來甬東絕紛華箝口不復露頰牙聯曹相係瓊與葭
上官庇覆不汝取優游重見林中葩四時風露換物華新
詩迭致息無邪吾子俊拔誠可嘉豈獨鄙言數矜誇高吟
大字耀紙麻時雖未亨道不汙屢出珠玉能愧奢麻姑手
瓜幸見爬長篇垂况理不差正如矛戟相鏖叉

走筆奉酬正夫卽次元韻

樂府古有行路難但悲白髮憐朱顏時命多向賢才怪詰
屈不平萬世間壯心欲馳步輒躑躅試出鋒穎官已癩中心
忽忽倦且煩不如歸去江海間要懸大刀數撫鐔何陋九
與八蠻自顧鄙性踈且頑誰能隨時事黠姦從來多病

筋力孱正當落魄卧深山蔽廬數椽粗可跧安居里巷鍵
重關終日無人踐茆菅冠帶不修衣袂黧高歌一曲舞雲

鬢比鄰有酒時見頰春風秋月與我開夜靜佩玉鳴珊珊
高人逸士或往還蓬舟自訪來前彎行歌紅藥與香蘭已
增俗物近塵寰一身蕭然念早鰥鬢憔悴半已斑誰能
更問禿與鬻且聽溪水聲潺潺強來爲更腰少彎幸讀君
詩錦繡篇相望鬱鬱何可刪君豈久居五兩綸

次韻酬李正甫對雪

苦寒冽冽日夜增朔風軒軒勢相凌遙山頑碧空峻嶒高
堂閑坐擁敝繒欲釀一杯意已仍結歌黃竹但伏膺愁雲
漫漫方四騰海氣上薄初不勝雪霰雜下風作稜漸著弱
柳頭鬚鬢半積軒砌發幽層枯樹兀兀愁飢鷹紛然不已
失溝塍一飲一斗心易矜試步薄冰猶戰兢圓圭方璧降
復登憶昔前年正嚴凝攝事大蜡清晨興平生看雪實未
曾健僕駿馬半醉乘或前或後望交朋不辨明河與玉灑
烈火萬炬氣不蒸被面唯有凍與冰歸來心目如水澄喜
看道傍削作燈豐年爲瑞古有稱凍死何暇談鄒滕欲邀
君飲恨不能相酬莫問準與繩

詒隱者

訪我維摩室不值香積飯開囊出黃粟爲汝林中爨軟語
少稽留青蔬亦易辦勿言方外趣我汝真如幻

樂神

夷人事神正自醜山頭水邊與神樂大巫麗衣手搖鐸羣
兒伐鼓更鳴角青山歷歷神欲歸湘水瀰瀰日脚西小大
酣歌向山樓神羹滿盃均汝餐

日落

日落沙頭山已昏，飢鳥投暝下前村。誰云野客無多事，步出林間自掩門。

棗花寒

山禽嘯鷓半欲搏，坐想葛幘臨風滯。數日陰霖復未暢，不知更作棗花寒。

復作過商翁墓

當年不佩封侯印，後世誰尋墮淚碑。定遠將軍豈夸勇，關南常侍最能詩。故人不解傳遺事，五嶺猶能識信旗。墓下寂寥無鼓角，秋風獨向白楊悲。

蒼頭已作歸來曲，不信全生庾氏碑。疑有史官爭立傳，終無嗣子與聞詩。後房已閉千金妓，私廟空收五采旗。聞說詔書優贈典，孤魂應結九泉悲。

雲東詩鈔

八

鈷母潭

余讀子厚書始聞鈷母潭，榜舟西江下，振步愚溪南。高下凌山阿，松篁蔽秋嵐。土人識其地，古木森椹楠。水深日波瀾，此理亦易探。古木爲鈷，鏹土音正相參。所記或不然，信書殊未甘。此公廢已久，山水窮年斲。造化毫楮間，浮實微相鏤。幽心有默識，西歸助清談。

贈廣祐上人

不入四明路，侵尋已十年。葛藤論往事，蟬蛻想蒼煙。松下數株石巖前，千丈泉何爲不肖。住芒屨更參禪。

奉簡莘叟

紅葉飄蕭秋後山，相望止在一嶼間。老夫無用方安命，夫子何爲早閉關。世事不隨歌吹樂，此身畧與水雲閒。經年

不見寧相外安在區區事往還

火星巖

火星巖下石凌層殿閣相望止一僧莫問人間興廢事門前流水几前燈

炭灘

江流激激過彥灘更上山頭看打盤百歲老人親擊鼓城中憂樂不相干

踏盤曲

湘水東西踏盤去青煙白霧將軍樹社中飲酒不要錢樂神打起長罾鼓女兒帶環着縵布歡笑捉郎神作主明年二月近社時載酒牽牛看父母

過商翁墓

雲東詩鈔

九

征南名地蚤相知老向瀟湘看立碑壯節獨馳南嶠事古風不括故山詩愁煙半鍊黃茅攏部曲誰尋舊將旗遙矚蕪江想靈氣孤雲落日不勝悲

湘中宿臺步寺

湘源初甚微屢挹不滿缸比至臺步虛泛泛爲長江虛頭市初集魚豆皆成椿夷獠不識人笑鬻莢與麗綠荷竭苞苴入散誰復撞鷗鳥亦來下酒旃停空杠我來憩桑門竹戶映蓬窓夜寢那可寐江流正淙淙

泛舟上湘口館

瀟水漫南來湘川趣東下二水始相會清豪不相藉山廻石瀨出木老脩煙嫁泛泛自蘋洲林風媚如画宿昔感騷憤幽興遙相借不謂垂老年羈孤窮山舍潮來刺舟去孤

月臨清夜安得勝鱖魚不復入人間化

禪僧巖

蕭湘山水窮欲徧最後乃得禪僧巖禪僧成道久已化獨
有崖岬青巉巉降身入洞不甚險突兀三室誰彫剗東西
有道若蛇竇白雲巒巒門無緘持火旁行不知際七穿八
竅遙相銜滄滄乳泉自如雪由來此地殊仙凡主人引我
復深入行指嶼穴尤嵌崑中間石鼓有異響擊拊想可參
韶咸吾身久病苦下溼復畏神怪來邀權直趣出洞上南
嶽豁若巨海張雲帆山花爛斑出竹梢亦有禽鳥聲誦誦
欲還未可復小駐日脚已過東岡杉

贈別子瞻

平生雅游眉陽客五年不見鬚已白借田東坡在江北芟

雲巢詩鈔

十

夷蓬蒿自種麥相逢不盡一樽酒故態那復論歡戚手抱
阿武勸餘瀝羅摩老夫失定力老夫寂寂出三湘更欲卜
居池水陽薄田止須數十畝田上更樹麻與桑老來正苦
迫生事清明雖近猶可秧罷亞若可博乾麩以無易有遙
相望我舟卽行不可駐欲卜後會誠茫茫他時有信若可
寄不用辛苦爲詩章

德相送荆公三詩用元韻戲爲之

幽居卧山間不與世相接餘生委蒲柳滯想遺空劫德相
蚤相親顧我情未厭數枉南堤步更引青谿艤相見亦何
事坐對羣峰疊陽春始萌動煙嵐生劔缺廉纖數日雨萬
里浮塵泄赤白未殘花修穠半敷葉行招老僧語遙矚東
田儘窮崖歷可造峻流誰敢涉衰齡易生倦幽巖就調攝

德相知我憊雙眸困垂睫高詠楚公作欲引維摩筵初聞
未甚解靜聽疑可獵有如太華峰跛躄豈易躡不知泛滄
海何力施舟楫遙窺土山勝昔乃文靖業二公雖異時名
德遠相躡山川若有待風物增悲懌未知蔡侯履孰與支
郎蹠勝游可槩見筆力方峩業更紆別後情琅琅鋪簡牒
倡高必和寡排比安且喑簫竽合古律宮羽自諧協世人
所欽慕有口空嚅囁東林坦腹士左右參經笈爲賦奕碁
句瓌琳吐習脇鏘然不可閉由來知捷捷謂如伯升勇揚
兵開宛葉豈比文信君無謀喪張靨致死在必勝甘言方
示怯尾章示戒訓足以傳芳諫後生知自勵何必捶楚挾
正如嚼冰雪清冷快牙頰我昔造公室公方任調燮辱枉
淵明贈今猶秘巾篋當時驟官去終身欣廢跼冠帶遂已

雲集詩鈔

十一

捐頭腦深埋壓肯羨冥冥鴻安知栩栩蝶心清久無夢神
固安知魔少小銳文史老大心更懾是古豈余心非今寧
我愜况復論翰墨爾來那可輒不識渾脫舞何愧張顛帖
所居養鸞雁菰蒲觀嘒嘒亦有藜藿畦粗充七與挾孰知
名可貴安用祿爲摺無求豈有沮不動誰能嚼汝堅百萬
衆淮濱空雉堞陵陽丈五墳朱雲本輕俠百年竟何往終
當封馬鬣何必悵霜毛更向窓前鐫

德相所示論書聊復戲酬

野舍老餘生雅尚今已愜不逃世憂患餘事寄巾蹠行尋
青山轉坐對青山疊欲隨白雲去儻與幽人接盤桓太清
洞悵望長江艤昔時古錦囊今還白羽箠不復叔夜燬真
符孫登攝九華一枯藜青溪一孤楫得喪苟自達死生安

足懔朱顏久不駐白髮何爲鑷羣物自流轉吾生寄天變
德相屢相過老夫寧足躡由來廢井水不如長劔缺往往
論書法軒軒兩目睫中郎石經在元常表軍捷漢魏多傳
人至宋有遺帖唐室初最盛漸衰自中葉歐虞緬誰嗣顏
柳何足躡篆籀昔難工草聖誰敢輒巨山作散隸雄古掀
龍鬣貞觀喜飛白凌厲騰春蝶豈特豁神觀直可祛鬼魔
古人有所寓天性難必協所志有小大其材有勇怯或憚
懦文雅或軒昂豪俠或轉戰鞍馬或驅馳弋獵或發於止
諫或得於訟牒或奮奪牀陛或造成械褶或爲神所迫或
自勢所劫或醉以賈禍或詐以行謀或習於娛樂或勞於
吟嚼有燦如文錦有勁如金椀有倚如戈鋒有點如山巖
有駛或如波有媚或如靨或如騰或如煙霏或落如鳥跼淵妙

雲集詩鈔

十二

欲飛動拙惡愧偏摩當寢或不寐當晝亦忘饑有譽終甚
微或毀則羣讟爲功有不至考古安能厭十年幸能就萬
金毫豈混金玉敷卷軸龍蛇閱箱笈是惟小夫技寧當丈
夫業譬如論唐虞何曾道郇葉如君負高識於此何足挾
一戰雖未霸遐心豈卽怙朝廷方洽熙四皆遠懾坐復
洮何地直擣幽燕脅朝夕奏奇功羣儒爭鼓篋太平任文
治血何煩喋道德以爲宇威武以爲堞豈比叔孫生雜
用隨何頰吾衰何可道不死同原涉

德相惠新茶復次前韻奉謝

暑雨關窮山道滑不可躡隱几念投老葛衣坐搖箠林端
使者至乃得德相帖佳惠致新茗遠來自闔笈吾聞北苑
勝不與羣山接山下幾千家以此爲生業新陽一日至東

風方獵獵百草尚勾甲靈芽已先捷所採僅毛髮朕工巧
烹燂甘泉列盎釜熾炭浩旁壺修竹爲之規黃金爲之挾
形摹各臻妙製作易妥帖至尊所虛佇守臣方惕懾其上
爲虬龍蜿蜒奮鱗鬣稍降乃交鳳文翼相盤跼函封趣北
道驛使互防挾四方老金玉擬議誰敢輒吃屹健士檐飄
飄迅溪鱗穀雨不及潤權門已盈篋帶鞞體正方葵華角
仍摩始傳盛玉鄭後來止游葉大爲權勢迫小或盜賊劫
其間起鬪奪亦數冒刑摺南夷出重購不憚浮海楫北
比尤好喜笑聞■■■豈不產■蜀豈不生楚葉朕品乃大
戾固難一理攝朱門厭酒肉辯士厲舌頰儒生備夜誦農
夫困朝饑禪翁過江賚老獲空腹喋綺席夢騰騰玉山頭
累累無魚乃尚可非此意不厭一泛舌已潤載暖心更極

雲集詩鈔

十三

不唯浴神觀亦足暢煩懣清冷生肺肝爽快勝抓鑷孰不
恃慧茲伏波煩謗躡孰不飲醇酌伯仁憂腐曾祖逃敦雅
尚鴻漸未博涉君謨號精鑿才翁亦相獵玉川七椀典令
人解頤歷奇章兩串賜遺芳在圖謀余昔喜賓客爲世困
書牒輕重必酬酢往來煩躡躡自從窺齋所藏多敗池
亦幸衰老年數病脾氣怯棄置在高閣魂夢昏多魘痾病
出湘漢餘生若蟬蝶希夷有幽階刀劍銷鏗鏃一榻就空
曠百骸得和協久已廢翰墨况復道游俠有味養元和無
物累吾嗜臨風欲占謝遙企山西牒

初創二山

左山叢古木縈帶多美竹右山少平地矧磴斷蒼玉於此
豈無竹蕭疎倚崑谷上參九頂道俯浸清谿澳於彼豈無

石嵌崖大如屋景業讀書處基
爲不相屬中間古蘭若臺觀當
潛伏昔人作軒榭高深奇秋麓
青溪漫無際島嶼相重復雨餘
池陽市修煙弄芬馥大江天上
意落日傲鴻鵠東嶺亦誅茆小
華勢相續白雲與誰期千載媚
遠目去秋已種麥今春復栽粟
二山誰與適最與枯藤熟相扚
一瞬事何暇知委曲得此化餘
年不問君平卜

初泊磁湖

時子瞻在齊安

歸舟不解洞庭帆舟上騷人雪
滿簪小駐武昌江北岸春

雲集詩鈔

十四

風今夜泊江南

清冷臺

山前縑繞白雲飛山下溪流那
復迴不向此間休歇去寧
將白髮汗塵埃

左史洞

在北山

萬古齊山石誰開左史洞左史
今何在蒼崖本不動履險
下重巖幽深鬼神總石門絕世
路久爲塵泥擁青天十畝
地噴噴如覆瓮窈窕鑿屋壁輝
霞列梁棟崖間不死藥必
非近時種人去境長在境與人
爲重欲觀疇昔意幽禽發
清吟吾方寄澗寂無礙亦無縱
手自翦荆棘結茆蒿石空
長與麋鹿遊不復人間夢

遊曾處善處寶應尉

我初隱身治蓬蒿餘生不復人間世左山右山白雲上一
動一靜浮塵外齊山山上老夫庵青谿谿南侍中第朱顏
公子不易識短衣款段來相際長堤相望雖甚遠有意卽
行終不計東鄰竹閣長夏熱我構雲巢方自儼爛斑石臺
始一眺寂靜庵基猶未薙隨雲步訪胡矮老放懷止得殊
師利石橋寺前夜月冷金雞峰下秋霖霽君恃馬足不憚
遠我駕藍輿隨處稅六峰老師氣軒豁九華雌山苦陰晦
庵前菜茹常不厭城裏羊肩難數置漫天風雪一暢目滿
榻春陽欣炙背裴休自參黃檗禪院福豈是一昌尉相見
終年已解空分襟一別那成滯拍江春水浮鷁首萬里青
天運鵬翅順風莫寄南來書老夫柴門多自閉

臺下

雲集詩鈔

十五

石梅落落欲黃時細雨濛濛暗不開數日不行臺下路不
知江水過山來

清冷臺初夏一首寄上翟舅

清冷竹樹暗成陰漸有溪流過此來草草作巢方寄老情
情設榻本無心松門不隔紅塵路月疊初無俗物侵欲向
人間訪消息渭陽應有遠遊吟

齊山偶題二首

杜子風情春水波至今詩句使人夸不知朽骨猶存石山
上年年黃菊花

朝雲未散白符陂落日已過銅陵西不向人間生皓髮直
尋仙客上青谿

西溪集鈔

沈邁字文通錢塘人以郊齋郎舉進士廷唱第一謂其
已官改第二通判江寧府除集賢校理知制誥出知越
杭二州遷龍圖閣直學士知開封府拜翰林學士丁母
憂卒於墓廬有西溪集十卷詩非其能事而唱和者爲
王介甫蘇子美何故而止於是也

七言送僧息齋歸吳

西風送霜河水落東都歸客不可留囊衣卷詩載輕舸飄
然獨下東南州炎山木落衆峰出越湖潦散孤嶼浮橘丹
蓴紫新薦俎若下醪美不計售十年塵埃一日去猿初脫
檻鷹下韝幽潛遠颺宵回首送之却顧令人愁鱸魚正肥
張翰老田園將蕪陶潛憂子歸應有問予者爲解區區茲

有由

西谿集鈔

五言天台山送僧象微歸山

吾聞天台久嘗讀興公賦茲爲東南鎮神靈之所據奇挺
究萬狀嵩岱不足語頗疑說過夸特爲辭之媿象微迺州
民能識山之故從容試爲問聊得一二疏赤城建霞標上
與斗牛附萬有八千丈蟲若天一柱瀑布發高原飛流翻
四注雪霜浮虛空晦明亂朝暮巖足多丹石光華燦寶璐
猶溪百餘仞欲濟毛骨怖九折凌峻梁五界窮幽路芝蘭
散奇艸松桂羅嘉樹祥風吹白雲飄然若可御幽閔足瓌
怪纖悉難畢具凡迹古不到神物陰自護傳聞昔人說中
有洞天處是不死墟衆真所游聚玉堂敞金庭碧林列
瑤圃有能從而求得之迺仙去斯言寧可信良非吾所慕

吾志本丘貉久已失厥趣誰言石渠客乃甚轍中鮒秋風
日已高歸心浩欲驚茲山宿所愛送爾緬東顧吾廬因爾
卜伴來審繪素

七言景德寺考試院壁和王介甫所題詩

石監開畫紅着地瓜蔓半枯黃倒垂坐看一夜芳意歇風
霜卽是蚤寒時

五言蓬萊山送徐仲微赴蓬萊令

渤海三神山蓬萊隱嵯峨仙人桂葉舟浮矣明月波驚塵
不可到飛鳥不能過世人但傳聞欲往爲奈何胡然古荒
王甘心事坎訛於今禱祠迹往往存山阿當時燕齊間方
士肩相摩遺俗頗淪胥官不嚴禁訶子去爲邑尹施舍各
有科茲實繫教化無宜反媿媿平生學詩書仁術嘗切嗟
毋曰百里小民人豈不多誰當之武城敢復聞絃歌

西溪集鈔

二

七言和君倚景靈行

東城大道何逶迤中直清廟表六扉右臨景霧秘館之翼
翼衣帶相國浮圖之巍巍道旁他舍多絕赫車無停輪馬
交策風塵勃鬱千丈高素衣化緇雙眦塞南阡窮巷我所
居上下省戶兩歲餘病軀羸乘實厭畏每趨徑路宮城隅
宮牆倚空背環極隱嶙樓臺露金碧朝霞夕照天半明墻
下行人徒眩惑我嘗入謁得縱觀威容物采嚴且完鸞車
歲歲躬獻享孝思盼鬻通神歡重門設衛日常闔靈境那
令世人雜但見長松怪石列若屏突兀陰森雨遮匝我家
東南滄海涯乘時偶來親德輝歸飛故隱自有期何必於
此空歎歎

七言和吳仲庶延菟閣後牡丹花 時後殿考進士

承明待詔盡名儒一願當君奏六符獨笑開元供奉客惟
將歌句奉歡娛

南漪堂

山遶湖堂寺遶山平生願向此中閑青雲白水相浮蕩野
客高僧獨往還年少無嫌軒冕累因循將恐鬢鬚斑南漪
最是逍遙地且挹清波濯愧顏

次韻和少述秋興

浩蕩西風動客裾飄然歸思滿田廬少時豈省爲名誤老
去真知與世疎勝事祇隨詩句盡壯懷猶向酒杯舒南山
已有來年約三徑何年得自除

次韻和李審言上元寄王巖夫

西溪集鈔

三

此都豪麗歲仍豐此夕都人凱樂中車馬笙簫千里至樓
臺燈火九衢通香輿軋軋凌風駛粉袂翩翩照地紅病守
行春真勉強更堪攀倚少年叢

次韻和王巖夫見寄

前日移舟就近村送君西望大梁門九重宮闕天光遠千
里江湖水氣昏壯士遨遊應自適少年離別枉傷魂北州
爲政須當厲卽上青雲款帝闈

次韻和孫少述潤州望海樓

北固巖巖鐵甕完京口浩浩海門連鵬搏羊角來天外鰲
戴方壺獻八前西府旌旗猶壯睹南朝宮殿盡蒼煙登臨
不用成悲感自得開懷一曠然

和少述春日

風流自古吳王國一一湖山盡勝遊上巳清明最佳節萬
家臨禊錦維舟

初晴池閣暖無塵花落絲飛不避人祇愛年年好光景須
知華髮一番新

卧病江東又見春高齋長日坐生塵看花飲酒應難強猶
有詩情謝故人

將至京口先寄孫少述并呈晏子俞

爲郡無閒困米鹽先生有道獨幽潛豫章因甚尊徐孺益
部何能詘蜀嚴已脫簿書身自放肆尋山水意寧厭京江
最欲方洋處願從屏星卷西簾

奉酬潤州余少卿見寄

兩鎮旌旗對撫邦老成循政獨難雙賜環已許歸西省擁

西溪集鈔

四

樞方來絕大江後乘願陪幽賞盡詩新頓使勇心降主人
意厚春潮小且卷孤帆偃畫杠

戲盧中甫錢才翁

晴日春風花氣浮少年嬉逐滿揚州誰隣居士身常病獨
坐空船理白頭

居士身常病一作終歲借借病

和中甫新開湖

渺渺清波百里浮昔遊曾是一扁舟十年人事都如夢猶
識湖邊舊客郵

遇冀州閻介甫送使當相遇繼得移文以故事請

避諸路又以詩見寄次韻和答

風沙敝盡舊狐裘走馬歸來過冀州聞報故人當邂逅便
臨近館爲遲留不容傾蓋論時事空寄新詩寫客愁却望

後車塵已合蕭聲漸斷去如流

還家自戲

憶昨邊城初見春
緜緜垂柳正矜新
不知遠客貪歸意
欲把狂絲繫画輪

依韻和李審言見贈叙舊

日與公家三世舊
坐看高閣壓亭衢
榭枿屢構明堂厦
麟鳳更參聖代符
結友固應皆以義
論詩何獨取於愚
歸舟早晚乘潮度
循得西湖一笑無

依韻和施正臣遊聖果寺

盤崖絕巘與天通
汗漫煙霞謝世籠
聳起浮圖山突兀
兀自然荷石玉青葱
古人興廢千年上
遊客登臨一嘯中
誰爲燕然愧班賈
孤城羈據亦銘功

排衙石有錢鏐刻詩

西溪集鈔

五

贈鄒縣桃源宮王道士

我昔剡谿遊道人亦相遇
重來十歲餘顏色宛如故
顧我病衰早鬚毛已蒼然
乃知世上榮詎若山中閑
道人家東都問胡不歸
北方多風塵素衣化爲黑
斯言吾所信吾志亦江湖
瀟酒會稽守平生欣莫如
君恩容苟安願奉三年計
幸爾數到城間談北方事

次韻和不疑借書鄰幾遇其寢

嗟我江湖入野性
實疎簡况從衰病侵
事事益以懶豈不思自強
所息乃有限但愛江夫子
平生事高散維於讀書
勤晝夜不去眼每勞從事
賢獨使簿書縮揮署曾不
勞兼人信無報有時倦欲
休就席初不煖鄰友更借
書丁丁叩門版尤厭吏舍
喧牛羊開棚棧不如歸吾
廬靜對日晚晚

龜谿集鈔

沈與求字必先湖州德清人登政和五年進士累遷至明州通判召對除監察御史歷兵部員外郎殿中侍御史請都建康上不悅出知台州召還再除御史遷御史中丞前後幾四百奏其言切直自敵已已下有不能堪者高宗時有所訓勅每曰汝不識沈中丞耶移吏部尚書出知潭州召除參知政事出知明州遷知樞密院事卒謚忠敏其詩喜論體製格律源流所自不貴苟作有

龜谿集十二卷

次韻曾守懷玲瓏山

泉石有膏肓料理費和緩風埃客子遊夢想畧相半端如鑿羊酪投匕念鄉饌懷哉小玲瓏舊賞記酣宴玉女下雲

龜谿集鈔

聽輕我年未冠誅茆老三間此意已懸斷少須草堂資兩足那可絆謝公愛東山自結尋幽伴詩筒忽相先紙價豈容賤流傳從使君感此歸息亂擷蘭躡危根漱石俯長欄野性等麋鹿百嗜寧食薦攬衣中夜興測漏疾流眄局步愧駑筋早飛傷短翰正使屐齒折未救斧柯爛時節脫復徂遲莫空浩歎何當脂下澤去路鬱交貫

錢塘賦水母

疾風吹雨回江城鱗牙嘔啞潮欲平客居喜無人事櫻相與環坐臨前檻眼中水怪狀莫名出沒沙觜如浮翬復如縮筮絕兩纓渾沌七竅俱未形塊然背負羣鰕行嗟其巧以怪自呈凝目懔視相將迎老漁旁睨笑發聲曰此水母官何驚江流如奔絕滄瀛潮汐往來月爲程藏納衆汚無

滿盈浮埃沉滓濶九清結成此物宜昏盲使鰕導迷作雙
睛乃能接迹蚌與蛭亦猶巨蛭二體并離則無目爲光精
江天八月霜葉鳴咿師得鰕供水征水母弃擲羅縱橫試
令收拾輪庖丁絳磬收涎體紆縈飛刀鏤切武火烹花蕘
釘餽粲白英不殊水盤堆水晶稻醴齋寒皂香橙入齒已
復能解醒遣漁止矣勿復評嗟哉此性愚不更定矜故態
招三彭且摩枵腹甘藜藿

泛舟村落阻風不能少進而菱梢芡背綠舫上下篙

人病之

艇子掠岸行水瘦不濡尾狂飈振疎蓬獵獵鳴兩耳十篙
八九褪逆勢何乃爾野芡伺吾間回梢哆利背亦有芟浮
角一一肆輕鄙初欲事幽尋解纜出疎葦乘流覓清淺濯
纓助深喜事有大不然移頃未離咫安得望蓬萊巨艦破
潮起征帆駕長風一日三萬里

夜坐感事

沉沉夜氣歸虛堂閉深寂孤燈地餘花寒雷韻殘滴醞釀
萬斛愁感慨一人敵何當棄短檠陰山叱鳴鏑

戊申初寒偶作

去年十月冬猶溫單衣曉出錢塘門攜拳僅脫餓虎口更
吟楚些招驚魂兒女爭從亂離苦啞啞遶膝多語言舟行
畏塗侵夜泊孤燈明滅何處村蕭蕭細雨疎葦響風力漸
搖枯柳根失聲號寒泣龍具促懼傍險爭前奔還家依然
四壁立故衾敗絮那忍論無衣豈暇具裘褐海圖坼裂波
濤翻天公戲人亦太虐雪花徑尺連上元今年十月事羈

官兩脚如舊身大吞紙窓寂歷風竹嘯古木中夜號空園
旅人不眠毛骨冷撫事念往多煩冤吾儕小人不諭數豺
狼滿目哀王孫似聞易水寒墮指北望大漠煙雲昏安得
壯士馭八駿沙蟲猿鶴俱騰騫歸歟莫如中土樂天子孝
友朝廷尊坐令鐵衣掃蟻蝨四海挾纊懷君恩

夜宿千秋嶺下田家

陰飈來悲風薄莫吹急雨冥冥攬寒色咫尺暗山路茅簷
兩三家曲澗縈竹塢停車遣問訊欲止此何許老翁行步
弱扶杖倚門戶問我官何忙野宿今無所向夜號狐狸深
林嘯豺虎甘心在擇肉闖首輒憑怒駕言往何之一榻翁
敢拒延我傍中堂慙慰良苦解衣土銜旁支枕憇行旅
昏然飽安眠境寂絕猜怖雞聲報明發征車犯寒去呼燈

鮑谿集鈔

三

別老翁鼻息方栩栩

維心方刊正三國史某以精筆遺之蒙餉大篇爲謝
氣格渾然三復感歎依元韻奉和蕪陋增愧

諸豪雄誇劒芒銛毛錐斂避收餘尖積間黯黯渴銅雀案
上爬沙枯玉蟾學堂山人有遺裔筆力大可千人兼掉頭
不肯書柿葉酒酣起舞怒奮髯十年歸坐溪口屋傲視冠
冕猶髡籍草玄草聖聊戲耳如醫識藥信手拈邇來直筆
到三國去取法度何森嚴眼中青白世矜異皮裏陽秋誰
顧瞻更隣中書今且老雞毛葦管爭出奩懸知入手便癡
劣那復助子窮幽潛我持妙韻急送似標題珍重存華籤
勢如執汰貴心正俗病要以此語硬揮掃定見龍蛇走紉
繹何憚歲月淹須知筆意似人意柔順未必非凶險

清明日晚晴

正好園林藉落英，細風吹雨濕清明。牆陰旱渴休無賴，自有鳴鳩解喚晴。

舟過荻塘

野航春入荻芽塘，遠意相傳接渺茫。落日一篙桃葉浪，薰風十里藕花香。河回遽失青山曲，菱老難容碧草芳。村北村南歌自答，懸知歲事到金穰。

從劉殿院借書

骨寒宜伴列仙臞，欲喜依劉計未疎。自昔暗中人易記，到今名下士非虛。欲從給事論奇字，擬向中郎得異書。願借牙籤三萬軸，爲公一一辨蟬魚。

過徐氏莊居

龜谿集鈔

四

只着南冠不着纓，掉頭防我問功名。數椽茆屋有時漏，一塢野田無具耕。酒地定能容勝踐，墨畦終擬過平生。扣舷歸去蒹葭闊，後夜相思看月明。

過徐氏郊居

林梢眇眇障斜暉，暉剝還來扣隱扉。門巷劣容居士屨，塵埃不到野人衣。恰當夜醜黃梁熟，盛供春山紫蕨肥。侍坐無人只山月，兩翁相對自忘機。

次韻盧憲春意

少陵花惱便顛狂，天與多情付此郎。宿露園林鶯舌亂，暖風庭院蜜蜂香。閑愁幾欲縈春事，幽怨還能入醉鄉。應斷玉樓雙望眼，便須催促理歸櫓。

次韻宏父喜雨

黃壟初看卷麥禾老農還復厭晴多四郊岸尾開新濱一
雨苗根長舊科已發政聲歸召杜更驚詩律鬪陰何王孫
欲識田家樂水亂溝塍涉可過

行簡以曾守韻見貽復和一篇

續經無復補嘉禾老去忘懷及見多摘尾簿書寧問署點
頭章句僅成科求田下澤吾行且招隱空山子謂何行簡有早
晚故山歸種秋之句千萬買鄰真左計一丘端約老相過

曾宏父將往雲川見內相葉公以詩爲別次其韻以

自見

客裏思家且罷休無聊懷抱不禁愁時魚苦筍過百六又
到一年春盡頭

牆根啁啾百鳥鬧最愛乳鳩來喚晴日永春闌濺院落渠

龜谿集鈔

五

能便當管絃聲

揚舠送子下蒼雪繫纜沙頭多柳株十載風埃老行客不
知鷗鳥記入無

前溪溪頭玉色魚羊酪豈可比鮮腴江黃會中有勝處健
步走置煩長鬚

野店山茶亦可口試敲松火煮石泉相逢故人如問訊但
道老去多煩煎

還憇湖光亭復次江元壽韻

羊酪尊羹本異區江湖隨俗語姪隅紫鱗撥刺衛文荇翠
羽翮翹過綠蒲解艫輿饒青絡馬笭箬自當紫微壺叢書
校罷頻搔首天末孤帆去欲無

僕人自燕山來云有次律兄書被盜失去

投曉平安使，倉皇扣倚廬。修塗幸及此，細語問何如。云白
三關道，曾持一紙書。崎嶇經寇難，隻影到鄉閭。

杜季習遊恒山謁府帥劉公輒次劉彥常韻作詩送之

勇往都忘去路難，曾吞螭虎氣桓桓。吳頭楚尾三年塞，
北江南五月寒。瘦馬繫門留我別，明珠攜袖許誰看。書生
自有西江量，何止能濡舌本乾。

董采大有詩紀吳江豁然閣舊遊索僕繼和

湖陰舊雨記重來，小閣深明傍水開。蟠螭橫空橋倒影，疏
璃拍岸浪成堆。勝遊君復羹魚婢，幽屏予方飯芋魁。遙想
經行斷堤曲，野花漂盡雪玫瑰。

石壁寺山房卽事

龜谿集鈔

六

望斷南岡遠水通，客橋來往酒旗風。畫橋依約垂楊外，映
帶殘霞一抹紅。

石壁寺

山縈細路走修蛇，峭壁連雲只薜蘿。花木未忽看蟾影，亂馬
頭初見殿陰斜。迴廊迤邐穿危嶠，側澗涓涓露淺沙。秀色
可餐吾事辦，粥魚茶板莫相夸。

秋日閑居

茆屋秋風斗破除，蕭騷渾似浣溪居。青山侍坐從吾好，黃
帽籠頭與俗疎。賴有園官能送菜，可無溪友解留魚。從今
輒莫慚枵腹，一飽須煩插架書。

野外罕人事

野外罕人事，雖貧心自寬。霜蔬供綠節，社酒泛黃團。日落

歸牛近風微宿鳥安展書遮老眼燈火砌儒酸

次子虛韻

誰能延月倚危樓細履相將偶當游倦聽山歌懷舊俗開
看水戲濺寒流土人以水燈光競作千門曉酒力微寬一

掬愁明日八分疲阿買詩饑元只在清眸

次夕雨作用子虛韻奉懷次顏知魚軒小集

夾道繒山聳蜃樓小軒終憶數條游月將人意十分滿雨
入溪光一派流靜聽屐聲喧夜市旋挑燈炮醞春愁閉關
不問陰晴事時怪玄花掠病眸

印事

造物勞人亦槽哉又驅疲馬上崔嵬經從野店初嘗筍行
盡江村始見梅千里短書先夢寐半生多難足風埃桔槔

龜谿集鈔

七

俯仰成何事已念漁蓑歸去來

次吳江

小邑蕭條兵火餘狐狸入市自相呼茆牆竹戶斜陽裏十
室生涯久已無

允迪招行簡卜居鷓鴣谷僕意羨之作詩送行兼以

自見

嚴陵灘下鷓鴣谷問道元英舊隱廬鼻祖名高詩格在耳
孫才傑宦情疎漫山松桂雁行立入郎茆茨星散居知爲
劉郎賦招隱莫教花落通渠

子虛航重湖之險遠過山中輒次維心韻以謝

小窓眠歛虎敗壁上蝸牛老樹陰垂合前山翠欲流狂言
違世用疆飯了身謀不謂輕千里能迂訪戴舟

次韻學士兄見一亭

塵土敗名如敗敵雲山招隱似招降
謾傾魯酒醒猶獨聊發吳謳調本雙
誰念佳人在空谷自同漁父老清江
它年對榻分餘地風雨蕭蕭夜打窓

次律兄餉魚魚不至而詩至頗類南海使君送酒輒成絕句

憑虛公子騎鯨後烏有先生控鯉初
可是凡魚亦仙去空餘一紙腹中書

劉希顏提舉見過出自卞山居二詩次其韻

偈仄風塵際分攜歲月賒
向來閒避地勝處偶爲家
對客談鋒銳憂時酒量加
中觴莫辭醉回首又天涯

次韻呈維心抽澀不工當爲抵掌

龜谿集鈔

八

粲粲疎梅短短牆
騷人長恨失遺芳
低徊草棘精神透
彷彿山魂夢香月淡乍看清影亂
春深終恐綠陰藏
歲寒爲爾添愁絕倚樹微吟亦自傷

戲酬嘗草茶

慣看留客費瓜茶
政羨多藏不示夸
要使睡魔能偃草肯慚
權伯解迷花
一旗但覺烹殊品
雙鳳何須覓瑞芽
待摘家山供茗飲與君盟約去騎奢

